



硃批諭旨

路振揚 潘之善 張燦
鄭任鑰 周瑛 施廷專 奏摺



硃批路振揚奏摺

雍正四年六月十五日陝西固原提督臣路振揚



謹

奏竊念微臣以不學無知之庸材逢聰明睿智之

聖主

殊恩異數浹髓淪肌雖經恭疏奏

謝但犬馬感激之心未盡萬一下情恒懷蘊結自問

何人得飽

天廚嘉味屢獲

內府異寶蒙
朕因念爾年紀高大恐跪久過勞耳似此蒙恩只可默

硃批諭旨

路振揚

識胸臆何必形之筆墨若再向人誇詡則更為不學無
恩賜坐顧問移時復隨諸王大臣
術君臣遇合此等恩誼古今儘多但他人不似汝淺見

御前侍宴播揚所以汝未之知耳

寵榮至此類此閒談何必記述汝等若如此不達大體莫望朕相

天語謂臣居心誠實可享大年將來子孫必有成就臣

待如家人父子也恭聆之下惶恐戰慄屏息伏地不能仰奏一語臣

聖主自揣分何敢當此惟仰體

聖主教育之心日夕兢業務求內外如一始終不二臣

年六十三歲末路晚節得少過愆實為萬幸理合

再為披瀝奏陳伏乞

睿鑒謹

奏軍容益壯

此係密奏猶可若向外傳說徒令人笑汝之粗鄙無識

同日又

奏為奏明臣標應補盛甲仰懇

聖恩賞撥正項錢糧以資補造事竊臣查得固原提標

五營鎗礮旗幟鑼鍋帳房等物俱堪應用惟馬戰

兵二千九百九十名原存鐵盔甲步兵一千名原

存棉盔甲因歷年出征巴里坤西藏各處其中致

有損壞臣到固原隨經逐細親加驗看馬步兵鐵

棉盔甲其中破損不堪披戴者有一千二百一十

硃批諭旨

路振揚

七項副當經行令五營將備千把將需用銀兩數目分別確估去後今據該將備等公同確估呈報到臣據稱補造前項破損鐵棉盔甲共計需銀二千六百六十一兩零除行查並屬各協營路所存盔甲什物有無傷損缺額之處俟呈報到日另輝奏外所有臣標應補盔甲需用銀兩查公費一項實難兼濟理合詳細

奏明仰懇

皇上天恩俯准賞給正項錢糧承領修製庶軍實有資軍容益壯矣爲此謹

關奏

在爾止據固原一標而言固屬無幾天下之大營伍之衆若槩動正項補造則所費不貲矣向來成例皆係營中公糧料理之事率因將弁將此等餘糧肥己所以廢弛至此爾應權宜措置爲是乃奏請賞給正項製造大錯矣幸是具摺密奏馮傑卽因類此具題不合致罹降革爾豈不聞乎此項盔甲自當動用拴養馬駝餘剩銀糧製辦抑或暫動幾分公糧限年徐徐完補與岳鍾琪密相商酌而行戎政究以操演選練鼓勵振作爲要如果闔標營兵丁各各得人材力壯健技勇超羣卽使赤

身執槌可以撻堅甲利兵而有餘朕非謂盛甲可以廢缺但專致飾於此而反置訓練於不講則非也

同日又

奏爲恭謝

天恩事竊臣於雍正四年六月十四日接臣兄路振聲

家信恭錄謝

恩奏摺所奉

硃批諭旨知道了汝弟路振揚堪以大用之材可惜朕

用遲了欽此錄齎到臣隨恭設香案望

闕叩頭謝

恩訖伏念臣本不學武夫欣逢

聖主知遇之隆逾格過分實古今所未有臣自顧何材能堪大用荷蒙

聖恩褒勉警惕益深犬馬下情面

奏尚不能盡摺

奏又何能陳其萬一耶謹將臣感激之私恭繕

奏摺叩謝

天恩謹日又

奏

朕有旨一切密諭非奉旨通知不許傳告一人今路振

聲公然將朕批諭鈔錄宣示於爾甚屬不合朕已另諭
申飭可見爾等武夫粗率不達事體也

天恩同日又

奏爲奏明公費名糧數目事竊臣查得固原提標五
營從前原有公費馬糧一百二十名以備製買火
藥鉛彈并每季領餉脚價盤費及修補一應軍裝
等項之用經前提臣馬煥准督臣岳鍾琪咨文改
爲步糧一百二十名臣於今歲五月十一日到任
隨據署中軍遊擊開報公費步糧一百二十名季
領銀五百一二十兩不等除將領到雍正四年夏

季公費銀兩盡數用完外尚不敷銀一百四十九
兩零在於拴養馬駝餘剩料草銀內借用應於秋
季公費銀內還項等情據此臣謹將臣標留存公
費名糧數目繕摺

奏明伏祈

皇上睿鑒謹

奏

此等事爾應照常料理期合於公當而已何必如此煩

瀆茲事

奏同日又

殊批諭旨

五

路振揚

奏爲敬陳愚見仰請

睿裁事竊惟

國家設祿養廉立法懲貪恩則至厚法則至嚴而貪
贖之弊乃猶未能盡除查例載凡有以財行求及
說事過錢者審實皆計所與之贓與受財人同科
是皆有應得之罪也又查名例自首條內凡犯罪
未發而自首者免其罪猶徵正贓是自首者罪雖
免而贓仍追也此固垂世之常經然必使之敗露
得其實據而後得以罪之也竊思此等營私之徒
彼此容隱其事不易敗露卽或有人告發猶必互

相掩飾臣愚請倣假冒軍功并官員在京借債過
二千兩之

定例開其自首之路凡上司保題之所屬官員并大
計軍政卓異薦舉人員若屬員以財行求而上司
受其贓私已經染指彼此皆應治罪如受者於事
後能據實盡首則免追原贓并應得之罪止罪與
查舉者及說事過錢之人如與者於事後能據實自首
則照原贓倍追給主免其應得之罪止罪受者及
說事過錢之人若說事過錢之人能據實盡首除
免贓給賞例內分別已詳外亦免其應得之罪止

罪與受之人如此則彼此皆存顧慮之心恐爲所
賣未事則畏懼不敢爲旣事則爭首惟恐後是或
除貪之一法也是否有當伏祈

睿鑒謹

奏

向聞路振揚居官操守甚好今覽此奏非一塵不染之
人不敢具此摺也甚屬可嘉發交該部議行並將路振
揚議敘具奏

雍正四年八月十九日陝西固原提督臣路振揚

謹

奏竊臣齋摺家人捧到

硃批諭旨並密開跪讀隨望

闕叩頭謝

恩伏念臣不學武夫知識淺陋不達事體罪戾多端蒙
皇上天恩不卽處分上煩不熾熟用慈訓音旨仰祈
聖心詳加批示俾臣愚昧得以知過思改臣欽遵之下

感激惶悚無地自容惟有凜遵西固

聖訓凡事周詳慎審循分供職以期仰答

聖主優容之恩於萬一耳理合恭摺陳明謹

奏

此等知識短淺之過朕自然寬恕加之教訓但須知過必改方不有負朕恩凡為大臣者慎密二字最為要緊君不密則失臣臣不密則失身可不畏乎勉之慎之

雍正五年閏三月二十一日陝西固原提督臣路

聖小振揚謹

奏為戰守均賴礮位數少不敷應用敬陳管見仰祈睿鑒事竊臣查礮位關係重大經議政議奏一千兵內關四設立子母礮六位威遠礮四位奉

旨通行欽遵在案臣愚以為各處營制大小不同額設兵數多寡不一且邊海腹裏地方形勢各別似不

便一槩按照兵數額設礮位如臣所屬固原鎮標

協營路統計二十九處除標下五營及慶陽靖遠

天恩西鳳潼關四協原設兵數或八九百名五六百名

不等外其餘駐劄叅遊守千把等官之二十營額

兵數目多者不過三四百名少者則一二百名至

小營分或止六七十名四五十名不等凡此大小

營汛無事守護城垣有事調遣行走皆惟礮位是

賴今議設立礮位以兵數一千名額定子母礮六

位威遠礮四位臣以此定數計算每營額兵必數

足百名者方可設礮一位如駐劄叅遊守大營兵

數三四百名一二百名者止應設礮三四位一二位以之守護城垣猶爲未足設有調遣行走之處緩急不敷需用其千把專城兵數不足百名者并不應設礮一位是守城行走皆無所恃矣臣謂不按營汛大小不分地方形勢而統以兵數一千額定子母礮六位威遠礮四位似乎額數太少不足應用臣仰荷

天恩謬任封疆愚見所及不敢不據實陳

奏伏乞

睿鑒謹

奏

子母礮位現在交部察議據爾奏稱額設礮位數少不敷應用似乎近理候發議政王大臣一併詳議具奏朕再爲酌定

雍正五年六月十五日陝西固原提督臣路振揚

謹

奏爲奏

聞事竊臣於去年五月間到任查點軍標五營馬步兵和批丁鐵棉盔甲內有破損缺額應行添修因公費不

皇上賞賜正項錢糧修製蒙

硃批諭旨詳悉指示臣欽遵動用拴養馬駝餘剩銀兩
開車委員照數製造今已添補足額共費過銀二千四
百八十四兩零至於臣屬各協營路缺額盛甲等
物經臣查明隨即飭令該營官弁陸續以公費修
補務期齊全事涉瑣碎不敢煩瀆
天聽所有臣標修整過盛甲及動用過銀兩數目理合

恭摺陳明謹

奏

操練技勇申明紀律較製辦器械為要訓誨兵丁令知

尊君親上致身報國明曉大義學做好人為更要凡事
當務根本不可逐末惟循真實毋務巧詐此等隨宜措
置之事何必瑣瑣瀆奏

雍正五年七月二十四日陝西固原提督臣路振

揚謹

奏為據實陳奏雨雹情形事雍正五年七月二十三

日臣接閱邸抄知護理甘撫印務臣鍾保奏報固

原州暴雨聚水緣由奉

旨該部速議具奏臣不知鍾保疏內如何陳奏但既奉

諭旨著部臣速議仰見查固原州於本月二十四

硃批諭旨

十

路振揚

聖明軫念倍切痾瘵臣查固原州於本年五月二十四日天降大雨帶有冰雹州城東南地勢低下臨河不遠河水泛漲直衝城下將城牆包磚剝落數丈城內地高北關地卑城中雨水流聚北關最低之處約有二三尺浸塌兵民房屋二百五十餘間田禾雖被冰雹零星打傷亦不成災見今夏田收穫糧價較前更賤秋禾發生茂盛至於浸塌兵房臣已酌動營中公項每兵借銀三四兩令其急爲修補其城工費用所需不過二三百兩臣率同文武官弁捐輸銀兩委員修理七月盡即可修補完固

地方兵民並無被水不安之處理合據實陳明仰
紓我

皇上軫念民生之至意爲此繕摺謹

奏

覽奏固原聚水情形愛君之誠於此可見朕甚嘉悅

雍正七年二月初六日兵部尚書暫理陝西固原
提督印務臣路振揚謹

奏爲奏

聞事雍正七年二月初一日臣據八營守備秦信呈報
據楊建堡原任提督馬煥家人馬成宗首狀爲首

報拏獲狂言招搖棍徒事正月二十八日家主染病在家忽有棍徒騎騾到門口稱要會家主因伊出言無狀形跡可疑只得抱病相見伊口稱他叔父在省打發他到各處傳言勸化人不必賭博勿要閒言伊執出貼金紅袖番字言他叔係伺候十四王之人成宗家主一聞此人狂言必在各鄉招搖不得不羈留拏獲特爲首報等情據此卽差兵拏獲棍徒并紅袖貼金番字傳箭一枝硃筆紙單一張到營卑職訊問據伊供稱小的名叫馬忠小的叔子叫馬倉他在西安府與小的紅袖番字一

幅硃筆紙單一張著說與固原一路掌教知道若我們回回大兵過處不必驚慌小的到楊建堡說與馬大老爺就將小的拘拏等情據此卑職卽具文移送固原州嚴審確供外擬合報明等情到臣臣隨劄行固原州嚴加審問去後茲據固原州知州朱亨衍親帶馬忠至臣衙署回話臣同朱亨衍詳加審訊取有該犯口供臣卽飛咨督臣岳鍾琪署陝撫臣碩色署甘撫臣張廷棟并面諭固原知州將供出之馬倉等嚴拏質審外理合繕摺奏

聞謹

硃批諭旨

十一

路振揚

奏

此事據岳鍾琪張廷棟俱經奏過知道了

合辭附奏

奏

奏

奏

奏

奏

奏

奏

殊批潘之善奏摺

皇上雍正四年六月十五日署理四川提督印務川北

聖主總兵官臣潘之善謹

奏為奏

聞事竊臣准川陝總督臣岳鍾琪調撥漢土官兵前赴

冕山駐劄預備勦撫金格等蠻一案業經臣繕疏

題報在案查官兵起程行裝在所必需臣會商撫臣

法敏於司庫領支秋季餉銀散給兵丁自行製備

又借支本年冬季錢糧散給各兵養贍家口以免

聖恩內顧無不感激

殊批諭旨

潘之善

聖恩樂於用命惟土兵雖稱效順非如漢兵素食名糧可比臣與撫臣會議所給口糧之外再加賞賚以鼓其氣除撫臣另行預備外臣隨於川省鎮協各營存留公費銀兩內動用備辦已於調遣土兵之時將紬緞布疋煙茶等物賞給頭目去訖其各土已諭法敏寬裕措備矣兵到建昌之時及凱旋後賞賚等物該臣會同撫臣料理設備隨後差員解赴建昌宣布

聖主恩賚分別賞給庶土兵各戴

皇上隆恩踴躍從事當有實效矣至金格等蠻原係小醜不恭大兵一到仰仗

天威伊等自應傾心歸化無煩再為添兵但臣謂建昌環處萬山之中賊蠻種類不一若不預備兵馬恐

聖主一時有用調遣不及隨檄行各營及各處土兵再派漢兵一千名土兵一千名以備調遣臣職司軍

務非旅不能不為萬一之慮理合繕摺奏

聞謹送四川總督下

奏事兼五回平八代

凡事寧使備而不用所慮甚當殊屬可嘉之至向來但知爾之漢仗膽量未料爾有如此才情也勉之

雍正四年九月二十二日調補陝西安西總兵官

臣潘之善謹於二十二日臨州西安西門外官

奏爲叩謝

天恩恭繳

硃批事雍正四年八月初五日途次鳳縣地方遇臣前
聞差四川提標千總捧到

硃批諭旨臣跪讀之下感懼交深伏念臣一介武夫才
識淺陋荷蒙

聖主殊恩畀以重鎮兼署提篆任大責重臣夙夜冰兢
惟慮不克勝任隕越滋咎雖勉竭愚誠未敢信爲
允協乃蒙

溫旨格外褒嘉臣何人斯叨受

寵渥如此其極惟有竭盡駑駘恪供職守以報

隆恩於萬一耳理合繕摺叩謝

天恩並繳

硃批謹

奏

初設要鎮諸凡營務均係創始况策妄阿拉布坦狡猾
非常心志莫定一切須竭力勉爲之

聞事雍正四年十一月初九日陝西安西總兵官臣潘

奏之善謹

硃批諭旨

三

潘之善

奏爲奏

聞事竊臣蒙

皇上殊遇調補安西總兵官於本年十月十二日抵任
視事查閱川陝總督臣岳鍾琪條奏安西事宜內
如移築城池安設官兵以及屯田安戶等件無非
仰體

聖心慎重邊防規模宏遠至詳且備祇爲地方起見不
暇計及費用錢糧之多寡也臣到任伊始凡臣標
各營及所屬地方事宜雖未能周知而畧觀其大
槩有應費錢糧者有應減省錢糧者有費錢糧甚

多而於地方恐無裨益者有費錢糧無幾而實於
地方大有功效者臣今逐一酌量其於地方事宜
有可以設法措置者臣當以錢糧爲重而斷不肯
耗費於無用之地若地方及營伍事宜有必用錢
糧始得寧謐者臣又以地方爲重而斷不敢博節
省錢糧之名此中籌畫臣陸續相機斟酌俟有確
見容臣咨商督提二臣會疏請

旨以便遵行至口外地方遼濶隘口最多若不預設卡
路保無賊夷乘虛窺伺少有疎虞關係匪輕臣查
本年七月初六日靖逆將軍臣富寧安因大兵撤

回飭行駐防哈密副將袁繼蔭等已設新舊卡路袁繼蔭乃偏裨中之優者大小共八處罔不星羅棋布哨探緊嚴矣惟是沙州之西南伊孫插漢赤落兔並插漢烏素腦兒去西寧撥住索諾木達什所住之柴達木約有千里其間并無夷人住牧遊巡卡路臣思此二處最爲險要若不防範新設之地俱無接應矣再查沙州去伊孫插漢赤落兔日子并麻鞋戈必日子八百餘里實係策妄賊人偷來要路況今又值隆冬戈必正是落雪之時誠恐夷人乘隙前來有失堵禦臣罪難辭臣因先飭令沙州駐防遊擊派把總一

員帶兵六十名前往哨探伊孫插漢赤落兔蹤跡沿途暫留日兵安設臺站防備傳遞緊急之信又查沙州東南四百餘里地名插漢烏素腦兒係哨探阿羅衣且并麻鞋鹽池戈必二日子接連柴達木來路又東行三百餘里係烏喇打班空濶地方亦是柴達木來路恐有賊夷潛藏臣亦派本標官兵五十名前去在插漢烏素腦兒哨探又在烏喇打班哨探臣愚又以阿魯巴魯固及色爾騰二處應安住牧熟夷三百家西哨伊孫插漢赤落兔南哨麻鞋戈必日子自此至彼相去不過四百里易

於更番巡探又插漢烏素腦兒并烏喇打班二處
應安住牧熟夷三百家西南哨阿羅衣且麻鞋戈
必口子南哨鹽池戈必口子接連柴達木地方路
口東哨烏喇打班口外如此則熟夷哨探於外官
兵接應於內少有聲息遞相傳報首尾接應一舉
可擒此無事則以夷防夷而有事則以夷攻夷之
道也除將前由咨商督提二臣會議

題請外合先繕摺具

奏伏祈

皇上睿鑒施行謹

奏

爾原孫朕極賞鑒之太介果不謬矣所奏可嘉之至朕
欣悅覽焉勉之

同日又

奏為恭請

聖安仰祈

睿鑒事竊臣自本年正月內

陛辭以來孺慕之私時切依戀兼以一年之中叨荷

殊恩不盡而足緣臣職守極邊不能匍匐叩

闕仰瞻

硃批諭旨

六

潘之善

天顏專差臣標把總齎摺代叩

聖安并進香水梨汁四瓶梨乾一匣伏祈

皇正此存少備採用庶犬馬戀兼以一年之中四荷

虫之心得稍伸於萬一矣爲此謹

聖奏

前經有旨不令爾等總兵進獻况爾在邊外新設苦寒
地方何乃齎進梨汁等物朕嘉汝之誠勉爲存留嗣後
不可

雍正五年四月十八日陝西安西總兵官臣潘之

奏善謹

奏爲奏

聞事雍正五年四月初三日准

欽差理藩院員外郎臣盛柱駐防哈密涼州鎮臣袁繼

蔭等密咨內開爲移知事雍正五年閏三月二十

六日謹將哈密喀倫必留免夷情公同會議繕清

聖恩字密摺具

奏外擬合將清字密摺譯出漢字粘單一紙移咨貴

鎮查照等因密咨到臣臣接咨之後將臣標官兵

不時勤加操演馬匹加意餵養臙壯所需軍實現

在設法製辦暗挑馬步精兵二千名預備相機聲

援第安西新設要鎮百凡創始一切營制尚需整飭尤可慮者兵馬錢糧按季赴蘭關領動需數月此在安常處順可以從容少待若遇倉卒調遣之際未免緩不濟事臣愚仰懇

聖恩俯念邊陲重地將每年兵餉預先撥貯肅州道庫無事則按季關領支放有事則就近可備軍需庶往返不致遲悞而緩急均爲有濟矣臣爲邊疆要務不揣愚昧妄陳如臣言可採伏祈

皇上睿鑒施行謹

奏

所奏是極甚屬可嘉此兵餉一事朕旣未思及而料理等議諸臣亦皆忽畧矣候另降旨諭部

雍正五年八月二十五日臣馬爾泰臣汪滢臣潘之善謹

奏爲奏

聞事竊臣等奉

命辦理城工事務自五月初一日啓土興工卽派在工員弁分督夫役築基造城并採辦木石磚灰等項緣杜爾伯特地方土厚質潤所築城垣甚屬堅固各員弁俱勤於督工上緊築造目今鎮城土垣已

經築完鼓樓亦築成臺基其餘樓臺衙署營房現在陸續建造惟城垣包磚一項工程浩大恐一時天冷土凍須俟明春和暖之時方敢動工置立窰座所燒石灰極其細膩磚瓦亦甚堅厚與內地無異足備城垣之用臣等凜遵 殫心竭力為之不可少有疎懈 訓旨工程務期堅固可垂久遠至匠夫等每月給與工價口糧食用充足莫不感戴

皇恩踴躍趨事茲當城垣造完尚須開濬城壕夫役數千人齊向臣等口稟我等蒙

皇恩賞給米麵口糧又給工價今開壕一事不過數日

皇工程我等情願出力不敢再領工價口糧臣等雖自應仍行照數賞給仍照例給發銀糧但邊土愚民一片感激之心出於至誠不敢不為陳

奏再今年嘉峪關外秋成甚好安西沙州等處收穫甚多合并奏

聞謹皇奏聞茲重諭皇覽奏秋收情形朕懷深慰

雍正五年九月初六日陝西安西總兵官臣潘之

奏善謹

硃批諭旨

奏爲邊地初開禾稼咸登進呈

御覽以慰

宸衷事竊照安西新闢巖疆兵民初集臣仰沐

皇恩調茲重鎮抵任後隨親歷所轄地方考察氣候閱

開闢看土脈內有沙州新城兩處水甘土肥臣於本年

春夏之交試種麥稻糜穀芝麻高粱棉花各種盡

悉皆秀實且幹莖顆粒較之腹裏地方無異現在居

民以次開墾將見數年以後盡成沃壤但向來塞

外嚴寒所種皆小麥青稞今我

皇上仁風惠澤廣被遐陬以致天時應序地氣和暢初

試五穀卽獲豐登謹採各種穗頭籽粒并土產

枸杞潔置瓜乾稻米二色恭呈

御覽仰祈

皇上睿鑒謹

奏

據奏安西地氣和暢禾稼咸登朕欣悅覽之因事用半

同日又

奏爲奏

聞事竊照安西新輯民戶因各處道路遙遠恐查時到

遲有誤春耕臣於正月間卽爲料理預備代種隨

請商督臣岳鍾琪蒙檄令將雍正三四兩年舊屯
熟地盡行播種俟戶民到日交給經管臣查舊屯
熟地一萬四千餘畝止可種籽種一千四百餘石
不足二千四百戶民食用是以飭令兵丁再開生
地一萬五千餘畝共種籽種三千石又因屯田牛
騾止三百有餘不敷應用若俟請領勢必遲延不
及是以撥給營馬六百匹其犁抄下籽薅鋤灌溉
盡屬兵丁之力至戶民於閏三月二十五日起至
四月內陸續到沙者僅七百三十戶無處居住卽
將兵房撥給但爲數不足不能逐戶安插臣指

設帳房聊蔽風雨急催砍伐木植修蓋房屋於六
月初一日起陸續又到五百四十四戶正值天氣
暑熱蚊蠓肆毒原帶牲口多有損傷又兼更換水
土不能赴沙因撥給安西兵房暫爲居住其續到
之一百四十九戶又因安西兵房缺少留住柳溝
時屆西成之期蒙督臣檄令將屯種地畝每戶按
二石有餘籽種之地分給令戶民自爲收穫臣屢
催地方官俾令盡數赴田奈已到沙州者砍木托
坯蓋造房屋而暫住安西柳溝者實因家口拖累
及患疾病不能前往臣見戶民渙散催促不前復

令兵丁代爲收穫今督臣檄令分田原爲休息兵
丁之計但戶民零星散處顧此失彼不能赴田緣
由督臣遠駐省城未得周知臣思田苗分給戶民
勢必致悞收穫是以督令兵丁同撥出戶民合力
公收今已割麥百萬餘綱約估獲糧五萬二千餘
石現在接食俟今冬碾打完畢得見確數另行奏
聞仍照二石有餘籽種所獲之糧再爲分給再查未到
之民與損傷牲口之家來春耕作以今歲較之不
無遲悞之虞臣以此情節咨明督撫商酌料理訖
伏思安西地方新闢我

皇上動費帑金招集民戶其田地農具房屋等項雖已
經料理但安插之計總在地方官隨時相機籌畫
不致失所方於

國計民生兩有裨益今職司民牧者但知循習舊規
卽事涉微小亦必請示督撫動經數月遲悞之處
皆由此弊臣受

恩深重不敢緘默伏祈

皇上簡任賢員前來專任料理庶邊末愚氓得被
洪庥於靡旣矣爲此繕摺奏

聞仰祈

硃批諭旨

皇上睿鑒施行謹

奏

諸凡料理甚屬妥協如是方爲實心任事朕深嘉之凡百威能似此據實不隱封疆大臣中更屬難得勉之勉之

雍正五年十一月初八日陝西安西總兵官臣潘之善謹

奏爲奏

聞事竊查臣標馬匹往年於十月初一日在於本城地方收槽餵養因今歲城工興作車輛駝隻雇覓不

敷所需草束拽運艱難是以臣令將馬二百零五匹飭委臣標中營把總李良策在於靖逆營之頭道溝地方就草餵養忽於本年十月二十九日據駐防柳溝堡守備報稱本月二十九日有中營兵丁金必等趕馬飲水忽有達子七名從紅柳窩內閃出各執器械前來趕馬將兵丁衣服剝去隨後沙窩裏又閃出達子二十餘名將馬匹接替竟趕往東北去了把總李良策帶兵前去追趕守備亦卽派撥弁兵星速跟蹤追趕等因到臣於本日晚得信卽差守備馬進榮把總胡發等帶兵二百

名並飭靖赤二營各派兵丁尋蹤追趕卽具文呈明督臣岳鍾琪提臣宋可進肅州鎮臣楊長泰在案茲據跟隨把總李良策之兵丁華貴等報稱從布魯墩湖灘花海子等四處共尋獲馬一百一十五匹尚少馬九十匹又據前差把總胡發報稱馬守備於十一月初一日進追至鹹泉子見賊夷飛奔前往遂帶兵飛追前去先有把總張文元等追至馬鬃山打班賊與官兵彼此放鎗見後邊又有官兵到來隨即退去官兵趕過打班有四十里之地賊夷又添十數名在沿山放鎗打仗一次天晚

賊夷退去初三日兵分三起趕至一百六七十里趕上賊夷又在沿山放鎗官兵直追前去亂山中忽然又添賊夷一百餘人將官兵圍住放鎗馬守備帶領弁兵上前放鎗攻打多時天色已晚賊夷退去馬守備收兵歇息住劄差把總前來回話據此隨問你們可知此項賊夷是誰家的達子稟稱俱戴著黑白羊羔皮臥兔帽子穿著好像西海上的達子內中亦有穿綿甲的等情據此臣愚料此項賊夷若是厄魯特並未帶有高裝帽子況噶爾旦策楞新近差人進

貢請日業

安未必就敢起釁恐係土木扎薩去年七月內從西海分領夷人帶赴北套去的臣聞得內有馬匹乏弱留住哈密之探納慶養馬被扎薩額敏逐趕起身前往北套恐伊等仍潛藏亂山之中以打牲爲名潛至境內乘隙偷趕馬匹臣查此項留住窮夷至多不過二百餘名因官兵追急故敢迎敵料此必無重大事情理應無煩

聖慮但又查向來在卜隆吉住牧之阿拉布坦八素台同羅卜藏丹津一時投策妄阿拉布坦今聞得伊

在遼邊住牧恐因策妄阿拉布坦病故之後乘隙由巴爾庫爾土胡魯前來妄生事端均未可定除本月初六日派兵一百五十名復令把總胡發帶往金鈎碛應援追踪訖臣惟恐賊勢重大復派右營遊擊陳進福選精兵五百名預備停當一面飭令守備馬進榮相機尾追前去若至土胡魯地方賊勢果重查土胡魯一帶與哈密相近臣卽飛咨督提二臣並肅鎮外卽帶領兵丁會同駐防哈密涼州鎮臣袁繼蔭協同勦殺再爲具本

題報事關邊徼夷情合先具摺奏

硃批諭旨

十五

潘之善

聞再查賊夷潛至境內汛防官弁並餒馬弁員漫無知覺其疎防之罪實所難追俟追賊官兵回營之日臣查明確實另爲

題參伏祈

皇上睿鑒施行謹

奏

宋可進亦經奏聞此風何可滋長亟當悉心籌計務窮蹤跡朕意或恐羅卜藏丹津勾引準噶爾夷賊前來生事起釁亦未可知料青海夷人未必敢如是妄行也

同日又

奏爲奏

聞事竊臣於本年三月內因沙州戶民到遲恐屯種有誤臣隨商請督臣岳鍾琪派撥標兵丁一千五百名代爲開荒墾種籽種三千石秋收刈獲麥細一百二萬有零經臣具摺

奏明今於十月二十八日據經理屯田遊擊陳進福報稱場事完畢共計碾打京石麥二萬四千三百餘石除還過籽種三千石屯田兵丁加增口糧九百石外尚有麥糧五萬四百餘石俱盤交沙州衛倉存貯按月支給戶民口糧查沙州原議安插戶

民二千四百戶今現到一千四百二十三戶營兵
所收糧石足敷戶民明歲一年食用尚有未到九
百七十七戶若於明春正二月起發到沙長途遠
涉牲口乏弱恐不能及時耕種徒費口糧是以臣
等詳明督臣請將未到之戶俱於來年交秋起身
於八月內到沙不但牲口可免倒斃卽所食口糧
亦可節省半年有餘又不至妨彼蓋房之工再督
臣以沙州安插戶民如何於
國帑無虧如何於民生有益如何於農事無誤令臣
會同肅州道齊式漢興道尤汶確議等因臣卽公

議九條呈覆訖謹將原議九條錄呈

御覽更有請者安西新設邊鎮各處地土多未開墾成

熟出產無多臣標馬匹上槽餵養所需料豆俱係

赴甘糴買因甘肅收成少歉較之去歲價值昂貴

況明歲城工正在興作食指殷繁恐甘肅等處仍

遇歉薄採買輓運必致多費錢糧有關

國帑臣仰體

皇上勸諭開荒至意再三曉示據各兵內有子弟呈報
情願認地墾種者准作該丁恒產仍令照例陞科
外但查各兵家口先搬接到安者僅三百餘家餘

下不過百十餘名臣酌議明春仍量撥營兵帶領
現在之餘丁在於新城地方公種一千餘石籽種
沙州協標亦有餘丁令在沙公種五百石籽種秋
收之後糧食存貯公所若遇糧價昂貴之時並緊
急需用之處支給兵食庶邊疆有備貯之糧兵丁
免缺食之虞臣愚昧之見是否有當伏祈
皇上睿鑒施行謹

奏

覽奏俱悉一應戶民屯種等務統宜咨商岳鍾琪定議
辦理朕不便批諭當否凡事不可參差必內外畫一方

能妥協

雍正六年二月二十二日陝西安西總兵官程潘
之善謹

奏爲奏明躡獲賊蹤事竊照臣標就草餵養馬匹於
雍正五年十月二十九日被賊偷趕二百零五匹
責差程標右營守備馬進榮領兵追趕緣由節經
奏明於雍正六年正月三十日據臣前差分途躡探
賊蹤通事魏漢奇王朝宰等稟稱奉差緝賊自肅
州起身由坤都倫押斯兔一掏兔差帶到巴濟公
住牧的扎會海必爾漢地方躡見蹤跡將番文投

給阿亥台吉據云賊巴拏住給有文書令小的等
先來報信他們討將軍吩咐然後差人送賊等語
據此臣隨將來文譯出細繹文內情由並面質差
來投文之副都統噶爾架等俱有隨後送賊之語
但等候十餘日並未解送前來正在復差通事魏
漢奇等持文前赴北套巴濟公之弟阿亥台吉處
奏討取賊夷聞於二月十三日准振武將軍咨內開
賊巴拏獲一十二名解送軍營一一勘明偷馬情
由咨請內部訖等因臣查金鈞破打仗之後據守
備馬進榮差把總胡發等報稱賊夷百十餘人今

命獲准咨稱賊夷車牛二名與原報打仗之數目大相
間事懸殊今振武將軍止據賊夷供稱偷馬情由並不
奏知與我官兵打仗之事既稱咨請內部應聽部審
具

奏所有前差追賊守備馬進榮帶領官兵已於二月
十六日檄調回營外至賊夷果否多寡之處臣責
差把總朱祿通事魏漢奇併前與賊打仗報信之
副都統都噶爾架等前往打仗之所驗看交蹤前
赴振武將軍處與巴濟公之弟達什達爾架公併

阿亥台吉面質賊夷多寡數目訖臣謹將躡獲蹤
跡緣由繕摺奏蒙聖前并林林之洞總督交辦前
聞謹啟專王奉旨同知左謀軍業人諱附并滿策咨又
奏差匪賊亦新匪串賊數谷抄前與規林外辦計之
夷賊盜馬情事已明晰矣至規夷果否之實之諷引責
奏雍正六年六月二十九日距馬爾泰惡汪澂臣潘
之善謹

奏為奏差官具休女之半四職咨前內將懇懇陪審
聞事竊源等奉左謀軍王兼規夷均辦命思制由並不
命辦理安西城西事務自雍正五年五月初一日興平

大恩築土建造於八月內已築成城垣其包磚一項於
奏雍正六年六月內亦已全完堅固整齊足垂久遠
再黃墩踏實雙塔百齊惠回五處堡城先後俱於
六月內築完臣等伏思日知西安西縣共官軍衛

皇上軫念邊陲特發帑金新建城堡大工今當鎮城包
磚全完各堡城築造齊備理合繕摺奏

聞至於各項營造如城樓廟宇衙署兵房倉廩墩臺一
奏切工務合鎮城與沙州五堡總計其工程已有十
皇上分之七約九月內大工可以告竣臣等謹先將鎮
關內城包磚全完五堡城垣已建緣由奏

聞仰祈皇極全宗正聖妣皇已載慈由表

皇上睿鑒謹除武內大江河以善遊善新去秋

奏世工務合必成與必成正堂保其工務已許十

各項工程總期堅實完好倘少不如法寧可拆改重修

切勿草率苟且務圖垂久為一勞永逸之計今日此奏

非異時無據之事也慎為之庶幾聖人下今當遵此旨

雍正六年八月二十四日陝西安西總兵官臣潘

之善謹

奏為恭謝

天恩並繳

硃批事竊臣齋摺把總回署恭捧
硃批奏摺二件

皇輿圖十卷藥錠一匣到臣臣恭設香案望

闕叩頭謝

恩領受訖伏念臣邊末武夫聞見未廣茲蒙

皇上頒發輿圖臣盥手開閱具見

皇輿廣大巨細不遺聲教所加遐荒備載矣至藥錠捧

奉批到時適值瘟疫流行臣即仰體

宸衷分發標協營路暨哈密等處文武官弁並兵民人

等依方調治全愈甚多感戴歡呼聲溢四境所有

硃批諭旨

三

潘之善

微臣領受輿圖藥錠感激下悃理合繕摺奏

謝並繳

硃批謹

奏

據奏藥錠分發官兵民調治全愈朕欣悅覽之今歲時氣甚廣幸蒙

天恩溥佑所染皆輕愈者亦速

同日又

奏為奏

聞事竊臣查得達麻林色布騰住牧之蘇賴地方出產

硫磺離臣屬靖逆營約五百餘里聞得夷人向來

取用臣隨差人採獲現在燒成數千斤甚屬精細

又鎮城迤北二百餘里地名白芨芨南面有鉛山

一座向日有人開採臣亦差人燒成鉛斤其色類

白似有銀汁但邊人技拙不能爐分無從辨認再

石包城以南去鎮城六百餘里之一肯薩喇哈爾

金山內每年四月間冰消地解有無藉民入潛往

彼處刨掘黃沙臣恐姦民雜處滋生事端是以選

差弁目入山驅逐第南山一帶地方遼濶雖勞兵

億馬終難禁絕臣思金分三品皆天地寶物或因

皇上廣開疆宇洩發各礦以助

國帑亦未可知臣智識短淺未能灼見仰請

皇上遣一幹員前來認試倘可採用似應任人開挖計

牀抽稅所有鉛斤命人分燒如果山川效靈不惟

國賦有增亦與新設巖疆不無小補矣今臣虔封硫

磺鉛斤並購買新金恭呈

御覽是否可採伏祈

皇上睿鑒施行謹

奏

此事與督臣岳鍾琪商酌奏聞

雍正六年九月二十五日臣馬爾泰臣汪漈臣潘
之善謹

奏為城工告成事竊臣等奉

命辦理安西各處城堡工務前因鎮城包磚全固各堡

城垣築成業經繕摺具

奏今鎮城及沙州五堡各處城樓廟宇衙署兵房倉

廩并原題新設沿邊一十三處墩臺院牆兵房大

小共六萬二千四百餘間一切工程於九月內俱

已全完理合恭摺奏

聞伏查臣等原先會同估計共約需銀二十八萬餘兩

聞自興工後於燒造石灰磚瓦採取木植石條等物隨時籌算不使曠工糜費較原估工數少用四十餘萬人工卽少用銀四萬餘兩其輓運各項物料應用腳價又多方節慎亦少用銀數萬餘兩通計鎮城沙州五堡墩臺一切工程共用銀止在二十萬兩以內現今安西及涼甘二府存貯餘銀并用命派剩物料變價銀兩合計共有九萬兩零再預備支給匠夫所買口糧米麵剩有五千餘石亦實值銀一萬餘兩臣馬爾泰臣汪滌現在清查各工用過銀兩細數繪畫城堡圖樣繕造進

呈用過錢糧物料清冊并將所剩銀兩移交臣潘之善同經管收發城工錢糧肅州道齊式暨涼甘二府知府等解交蘭州司庫所剩米麵已交明安西沙州地方廳衛等官存倉變價還項臣馬爾泰臣汪滌俟各項料理清楚卽起程赴京爲此具摺奏聞謹

奏

聞

奏

聞

安西各項城堡工務汝等辦理甚屬可嘉不待此奏朕於他處業俱聞之

雍正六年十一月初六日陝西安西總兵官臣潘

之善謹
奏為恭繪新設輿圖進呈

御覽事竊臣邊末武夫恭膺

簡命調補安西重鎮倘於內外境汛不能周知何能彈

間勤壓斯土撫中禦外以紓

宸衷西顧之殷因思臣足跡不能遍歷惟於目覩耳聞

之餘細加查詢留心校正今臣自揣地理情形頗

悉毫末隨命畫工繪成全圖臣復挨次考核未敢

謂竟無錯謬然亦或可自信於十分之一耳除將

圖冊由督臣岳鍾琪送部備查外合將輿圖敬用

黃裱差臣標把總齎捧進呈

御覽伏祈

皇上睿鑒謹

奏

輿圖留中詳覽足見爾留心地理情形朕深為嘉悅

雍正七年二月十二日陝西安西總兵官臣潘之

備旨善謹

聖奏為奏

聞事竊臣於雍正六年夏秋之間眼疾復發安西地處

皇土邊末並無明醫療治日加障蔽蒙

殊批諭旨

孟

潘之善

皇上天恩遣發太醫馳驛前來於本年二月初七日到
聖安太醫口傳

諭旨云總兵若欲在安西調理卽仍住本處若欲回內地著醫官一路用心看視同回內地調理欽此臣伏

聽

諭旨望

賜臣尋骨風藥酒醫士臣沈宏寧不送赴臣署臣九叩跪
受訖隨卽與臣診視脈理據云臣心血大虧腎經

有損肝風太旺上焦屬火下源屬寒體厚多痰恐
將來成中風之證臣聞醫士之言始悟眼目之受
病有由來也今蒙

御賜尋骨風藥酒日飲兩次兼服湯劑覺痰涎稍減腰
腿痛止夜間添睡藥力之妙漸服漸效但目翳雖
較前微退而全愈須待時日若能保養心血火降
水升則目疾可以全愈矣茲先將臣受病之由並
醫士抵安之日繕摺奏

聞謹

奏

殊批諭旨

奏

潘之善

據奏服藥有效朕懷稍慰務宜安心調理朕深望汝之全愈也切勿性急徐徐攝養自然收功

雍正七年三月初八日陝西安西總兵官臣潘之善謹

奏為奏明事竊查安西標協營路額設馬步兵丁共六千五百名所恃以壯

國威而禦外患者軍裝為先臣於抵任之後隨點閱各兵不惟新經招募者全無軍裝即告住裁撥者俱係出征多年所執器械不堪應用旗幟號衣俱皆舊損鍋帳等物亦屬缺乏臣與官兵商議設法

皇恩製辦嗣奉

欽頒通融銀二萬兩以此轉移那借差委弁員前赴西

安地方製造旗幟撒袋弓箭腰刀鞍靴號衣等項

分散各兵乃係本身佩帶之物俱皆出於情願而

通融銀兩於領餉時還項至於鳥鎗一項臣遵奉

部咨照依沿邊沿海之例每兵一千名設鳥鎗四

百桿已經撥解足額又添造先鋒鳥鎗一百二十

桿以備行走所需守護城池如宣威連珠馬腿行

營各礮位已咨督提二臣現在請撥備用再火藥

等項為軍中緊要之物隨於雍正五年內咨請督

提二臣於甘涼肅三鎮撥解銀萬五千斤於雍正
六年方始解足臣又於安西本處開局製火藥八
千斤有奇暫敷應用鑼鍋帳房係督臣岳鍾琪於
甘肅撥解五百頂副聊為備用其餘尚需製造今
臣查安西標路各兵器械已覺鋒利鮮明當茲城
堡告竣兵馬分駐已定正當親率將備等官時加
操練務使有勇知方以紓
皇上西顧之殷少寬臣罪愆於萬一詎臣眼疾復發宿
病侵尋蒙
皇恩賞銀遣醫容臣調理今興漢鎮臣曹勣已經抵任

竄東亞將兵馬營汛各項事宜交代接管另疏

恩題報外所有臣製辦過軍裝情由理合繕摺奏

聞謹

備奏

覽奏知道了務期加意調治痊愈以副朕望

雍正七年四月二十七日原任安西總兵官臣潘

皇上之善謹

奏為恭謝

天恩事竊臣自患殘疾過蒙
皇恩遣發太醫馳驛前來與臣調治原自服藥效驗
殊批諭旨

御賜尋骨風藥酒及甘露左歸二飲冰臘丸等藥效驗
天恩如神兩月之間雜證全愈卽雙目雲翳漸服漸退
表正在繕摺奏謝間於四月十一日蒙

皇上重念微臣復遣太醫院眼科施世德到卜隆吉臣

出郊跪請四八二十日恩旨交西縣具官拜

聖安醫員口宣

諭旨臣卽望

闕叩頭謝

恩感激之私涕零寤寐惟仰體

宸衷恪遵

諭旨善加調養以副

聖主眷念之至意嗣醫士臣沈宏案施世德同與臣診

脈看目僉云心腎不足血虛火盛以致迎風流淚

白翳遮精左目重右目輕仍用尋骨風藥酒日飲

二次兼服滋腎養肝退翳湯疏經應痛丸並點光

明膏不半月之間精神舒暢身體強健今右目雲

翳已經全退視物分明左目亦退十之六七不過

稍覺羞明仰賴

皇仁不待月餘必獲全痊此皆我

皇上天地父母之恩生成育養之所致也臣惟有刻骨

殊批諭旨

完

潘之善

皇上鏤心誓圖報效以仰答
高厚於萬一耳謹此繕摺恭謝

天恩謹

奏

所奏欣悅覽之夙疾頓除目昏復明實屬可嘉之事更
加盡力調養平復如初以慰朕念

雍正七年五月十二日原任安西總兵官臣潘之

善謹

奏為臣病全痊懇請隨征仰祈

俞允事竊臣一介武夫荷蒙

皇上鴻慈擢任總兵調補安西地方任重責鉅不敢稍

有懈弛致厯

聖慮何敢以微末殘疾瀆干

天聽但臣前患眼疾雙目障蔽自謂五官已缺其一殘

皇上廢之軀不能仰報

天恩矣隨於雍正六年十二月間具本請休乃過邀

皇上隆恩疊遣太醫馳驛診視日服

御藥效驗如神不數月之間俾一身之雜證頓除即雙

目雲翳已經退斂枯朽回春復見天日殘喘餘生

皇上皆我

殊批諭旨

皇上之所賜也今臣筋力精神自覺倍常技藝騎射宛如平昔竊臣病痊之日正

天威遠震之時普天率土內外臣工凡有見聞者莫不皇土鼓掌稱慶踴躍爭先況臣受

恩深重矢報靡遑寧能安居田園終老林下伏祈皇上允臣隨征效力疆場倘獲寸功庶犬馬微忱少報高天厚地之恩於萬一耳爲此具摺懇請伏乞其奏皇上乾斷施行謹

奏

覽奏深爲慰悅醫官爲何未具奏帖病果全愈朕自另

有諭旨隨征效力之請不必

雍正七年七月二十四日原任安西總兵官臣潘之善謹

奏爲恭謝

天恩事竊臣殘軀弱質雙目翳蔽自謂不能復愈荷蒙聖主天地再造之恩連遣太醫與臣醫治今臣仰藉皇仁雙目明朗殘病全無頻受

洪恩有加無已卽粉身碎骨不能仰報

高厚於萬一於本年五月十二日業已具摺懇請隨征

殊批諭旨

三

潘之善

諭旨遵行茲醫士臣沈宏案施世德於七月二十四日
起身回京復平五日具懇懇請願五
命所有微臣感激
天恩下忱謹繕摺恭
聖謝伏祈
皇上睿鑒謹
奏

朕之欣慰筆不能宣此實

上天

聖祖復賜朕干城良將也隨征之請前已有旨不必汝病

既痊候朕另降諭旨

雍正七年八月二十八日原任安西總兵官臣潘
之善謹

奏為奏謝

天恩恭繳

硃批事雍正七年七月二十九日據臣差家丁齋捧

硃批奏摺并

恩賜錦扇香袋藥錠等件到臣臣謹望

闕叩頭謝

恩訖伏念臣一介駑駘至愚至陋荷蒙

硃批諭旨

皇上格外弘恩有加無已

錫予頻施誠人臣之

殊遇臣愧無涓埃報效惟有刻骨銘心永矢不諂而已

所有感激下悃理合奏

謝並繳

硃批奏摺伏祈

皇上睿鑒謹

奏

朕有旨命汝署理固原提督印務矣此任乃汝叔祖潘育龍之所整理為天下第一營伍其流風餘韻至今猶

屬可觀茲若不能企及何顏以對朕耶但汝叔祖之操守斷不可仿效一二必棄其所短而法其所長則汝可

謂一全材勝如汝叔祖之人物矣勉之

雍正七年十一月二十四日署理陝西固原提督

劉恩臣潘之善謹

望奏為恭謝

天恩併繳

硃批事竊

命前赴固原署理提督印務於雍正七年十月初八日

途次靖逆地方遇臣前差家丁捧到

硃批諭旨

三

潘之善

殊批奏摺暨遺服代殿引前差案丁執事
尚方嘉珍兼傳對晉日發兌乘五十月四日
諭旨臣於旅舍敬謹九叩謝

恩祇領訖伏思臣本樗櫟庸材仰叨

聖訓擬以干城良將返衷自問愧歎益深更蒙

隆恩憫念臣實窮苦出內庫以酬醫士

賜奇品以賚微臣卽臣愚賤家丁統邀

聖賞浩蕩洪恩無微不至此誠千古之異數格外之

鴻慈也臣卽捐糜頂踵亦不能仰報萬一理合繕摺叩

謝

覽奏謝矣
天恩併繳

殊批再臣於奉文之日拮据就道於一月間可到固原

緣臣途次甘州偶患項癱沿途療治以致遲延時

日於十一月二十日抵任至臣之癱疾仰託

聖主福庇今已全痊合併

奏明伏祈

皇上睿鑒謹

奏

據奏偶患項癱已愈朕思汝目疾之後發出小毒係屬
有益之事詢據醫官所論與朕意合因將伊等奏帖一

殊批諭旨

三

潘之善

併發來爾看果如此則病根永除矣

聞袁繼蔭嗜酒廢弛營務又將汝所請備用銀兩任意借與兵丁果然否新設邊鎮甚屬緊要且諸凡規制悉係汝所創建假若稍有回護瞻徇負恩莫此為甚據實奏聞以便決定去留

署安西總兵官印務涼州總兵官臣袁繼蔭謹

奏為恭懇

聖恩憫念窮兵准開官當以濟緩急事竊臣伏見

皇上特恩憫念在京八旗兵丁若有一時需用無所

取辦

特給內庫銀兩令王大臣等營運生息以備兵丁一
土備時之用並外省駐防之滿洲漢軍兵丁與各省
督撫提各標亦一體加

恩至於各省鎮標兵丁亦將次第加
恩陸續降

旨此誠

皇上至聖至明仁恩週遍愛養兵丁之盛心也臣見
安西新設巖疆土無出產百物價值數倍內地
兵丁衣食較為艱苦其日用緩急不無藉於典
質但口外並無富商大賈納稅開當之家不過

闡闡小民押物求息其貲本既微則取利必重
竟有每兩一月之息多至三錢者窮兵以物押
錢數月之後利大於本以致日用愈爲困苦臣
皇上稔知其弊業經會同地方官曉諭禁約毋得違
禁取利但前此闡闡之民因本少利微不肯當
押在窮兵緩急無濟日用仍爲拮据臣庫貯雖
現有通融銀兩然兵丁朝夕所需其數甚微若
零碎借給煩瑣非體臣伏思

上諭有鎮標兵丁次第加恩之
旨安西前蒙

皇上發有庫貯通融銀共六萬兩內四萬兩必奏
開始敢動用至二萬兩爲平時通融之用奉

旨不必具奏而此二萬兩內除哈密存貯二千兩
庫現貯一萬八千兩臣請於此內動支三千兩
開設官當舖內地當舖例每兩每月三分起息
擇民人中老成歷練者令其經管量給工食其
奏每月所有利息謹仰體

皇上恩旨以賞給兵丁之家大事需用庶極邊汎地
奏緩急常通無重利之苦有周濟之益矣是否允

皇上協出自

皇上特恩非臣所敢擅便為此繕摺

奏請伏乞

皇上睿鑒施行謹

奏

據袁繼蔭有此一奏發來爾看豈伊欲掩飾前非而謀為此舉耶抑或地方情形果應如是辦理耶爾其據實抒情奏聞以便朕加斟酌

雍正八年正月二十七日署理陝西固原提督

潘之善謹

奏為遵

旨實陳事雍正八年正月十五日臣捧讀
皇上硃批署安西總兵官袁繼蔭奏摺蒙
恩以開設當舖應否如是辦理下詢微臣並荷

特旨以袁繼蔭嗜酒廢弛營務將備用錢糧任意借與
兵丁著臣據實奏

聞臣欽遵查得安西係新設巖疆兵丁居其六七游食
與貿易之民居其二三其中原有私開小押之家
皇上取利頗重兵丁不無受累袁繼蔭條奏開設當舖

亦屬實心為裨益兵丁起見但未思及開設當舖
此舉以可行之暫時已於伊所請矣
民人無幾勢必取利於兵丁夫兵丁之家衣服器

械而外有何長物堪以質當無論三分卽以一分之息取諸兵丁其與我

皇上賞賚無已之隆恩似稍相左此目前之當舖不宜開也臣愚竊以管窺冒瀆陳請仰懇

皇上俯念邊末或發生息銀若干兩交與甘州提督並

爾此見與朕原欲加恩各鎮標之意相同現在降旨詢甘山道招商營運輻輳之區易於生息亦堪繼久問各鎮候伊等覆到自另有諭

洪恩出自

聖裁臣未敢擅便也袁繼蔭在西寧並署涼州鎮時臣曾聞酒量甚大自到安西但聞小飲未聞其有沉

聖旨 涵之事臣不敢懸擬具

奏至於廢弛營伍借用錢糧其情形原有相肖之跡

安西正值軍興兵丁不時差遣凡遇一切牛羊馬

駝糧餉俱用撥兵運送存營無幾是以停其操練

似近廢弛再安西營務動需銀兩乃能措辦但通

融一項有可動用者有不可動用者必須籌畫周

詳方為慎重袁繼蔭與兵丁借用銀兩雖係因公

其借支究不無過用之處此任意之咎在所難辭其

表借用過欸項臣未悉確數謹將臣在下隆吉養病

時所聞大概臚列六欸另摺恭呈

殊批諭旨

三六

潘之善

御覽外理合據實覆

奏伏祈

皇上睿鑒施行謹

奏

覽所奏殊屬公當

同日又

奏為欽遵

聖訓事竊臣齋摺家丁回固臣跪讀

殊批諭旨荷蒙

聖訓勉臣操守臣日夜兢惕寧敢復蹈前轍有負我

皇上委任至意訓練兵馬係武臣職分但臣細查固原

營伍自臣叔祖鎮綏將軍臣潘育龍之後兵卒尚

何消爾言仍屬天下第一營伍屬可觀其盔甲旗幟鳥鎗以及鍋帳諸色軍器則

俱舊損臣查詢其故實係臣叔祖在日設立軍庫

凡一應鉛藥器具皆有存蓄故當前次兵興之際

用之不乏自康熙五十九年軍庫失火所藏軍器

奏鉛藥毀壞無遺兼之陝提一缺自康熙五十八年

至雍正四年曾易八九人大半又多署事俱未及

詳加料理即前任提臣路振揚畧為補葺又經二

次出兵亦多損傷目今存營軍器俱應修飾補造

至烏鎗尤屬要務臣現擬整頓製辦第因營中公費於去歲供應軍前使用尚在不敷前提臣路振揚

奏明閒項銀兩俱經營中動用今祇存二百餘金不足措辦除臣現在設法料理外倘銀兩有不敷之處當另奏請

旨遵行事關營伍臣不敢隱匿爲此謹

奏

是

雍正九年四月初九日原任署理固原提督臣潘

天對之善謹

奏爲

皇恩高厚臣病難醫披陳下悃仰祈

睿鑒事竊臣材本庸鄙更患殘疾蒙我

皇上洪恩賜醫隨任醫治正月內復蒙

諭旨令臣暫行解任調理臣經恭疏謝

恩並太醫院吏目臣沈宏棠施世德具摺請

旨三月內太醫口稱奉

硃批諭旨令再竭力醫治臣老疾纏綿自八年十月至

今調理半載太醫等俱各竭力盡心調治奈臣目

硃批諭旨

早

潘之善

病根深已成痼疾有非藥力所可收功者伏思臣
世受

國恩涓埃未效值此

明良盛會竟以殘廢退閒不克與士卒效力疆場時
為踧踖再有臣前署固原提督仰沐

聖恩賜臣養廉銀二千兩業於本年正月二十七解任

之日住支訖臣未效寸長素餐

天祿心殊惶悚茲臣閒散安逸更荷

御醫每日診視在伊等雖不責臣之供給而過煩

天使日逐周旋臣自愧疎慢又不敢送其回京午夜悚

懼寢食不寧謹披陳下悃仰祈

睿鑒謹

奏

如可以來京二醫一路同來倘或艱於行動不能前來
隨汝之便可也

硃批張璨奏摺
雍正七年七月初四日直隸按察使臣張璨謹

奏為請嚴跌錢之禁以重

國寶以清賭具事竊臣以一介庸愚荷蒙

皇上不次擢用畀以直隸刑名重任

洪恩異數欲報無能凡欽奉

諭旨嚴禁事理惟有實力奉行留心稽查以冀仰副

聖天子移風易俗之至意伏查賭博一事

定例甚嚴其牌骰等件固已久經嚴禁而跌錢一項

其風日熾將錢擲地以決勝負所賭輸贏盈千累

百竟不減於牌骰是跌錢之禁不嚴則賭具終不能清而賭風亦終不能息況跌錢禁項且足爲影聖天射牌骰之具蓋有本係鬪牌擲骰一經發覺惟恐命旨追究賭具而詐稱跌錢者亦有地方官畏失察賭具思具處分并借跌錢之名巧爲開脫者種種流弊不皇上可勝言矧錢文乃係國寶而輒敢用爲賭具以相嬉戲其爲不敬罪莫大焉臣愚以爲欲除其弊必嚴其罪請嗣後如有跌錢賭博者將出錢之人與開場放頭併同賭者照和州牌骰之例加等治罪其地方官不力行查拏漫無

覺察者亦照失察牌骰賭博之例加倍議處地方牌甲人等一體嚴加治罪如此則愚民咸知

國寶爲重不敢輕褻而賭具之流弊亦可遏絕矣是
否有當伏乞

皇上敕部議覆施行謹

奏

舉凡賭博等事旣角勝負卽有輸贏無不爲利起見然牌骰等具製造精良原可藉以遣興消閒不特市井販豎爲之士大夫亦往往樂此不爲疲所以其風易熾至於擲錢之戲不過博徒不能頓改舊習暫爲之技耳久

之自當止息況賭法豈僅此擲錢一項倘禁此而愚不肖輩復創設他法以相娛嬉勢又不得不禁則是禁歟愈多而賭具無窮究竟何所底止耶汝等地方大員但當禁絕牌骰足矣何必又及其餘此皆輕本重末之舉朕甚不取果能實力奉行牌骰二事令行禁止勸導愚頑革心向善則此一二擲錢棍徒只用數張告條保其當下停止設地方平時禁不止令不行縱由部頒條約千百言仍屬有名無實徒滋紛擾於事亦復何濟若謂擲錢爲輕藐國寶更屬鄙論朕惟以賢臣爲寶餘無可寶者錢文雖係國寶乃民間日用之物居常繫之腰膝

之間藏之席褥之下皆莫得而禁焉又安可以不敬之罪罪之乎據汝又云地方有司因畏失察賭具處分借跌錢之名巧爲開脫等語尤爲可笑若然則汝之不能察吏顯然自首矣識見甚屬平庸亟當奮勉學習以期無玷官箴況擲錢之戲雖未奉旨明飭一切賭具未嘗不容汝等禁遏也當禁者汝等自可申飭屬員奉行何庸具奏煩瀆

雍正八年三月二十三日湖南按察使臣張燦謹

奏爲據實回奏事竊臣荷蒙閣卷宗因精英賢華武皇恩調任湖南按察使欽奉案集公府突引欽陞升

皇上面諭令臣將許英賢一案秉公研究臣於到任後
查人犯已經移解江西檢閱卷宗因許英賢等在
永順散毛茅岡等司地方假張天師名色賣藥行
醫蹤跡可疑辰沅靖道王柔恐係匪類拏獲嚴究
供出張易珍等爲匪令伊等在外施藥并夥黨姓
名請咨各省緝拏續又拘獲許世基等到案并咨
查江西覆無張易珍名目經前任按察使郭朝祚
研訊許英賢等堅供從前實係畏刑妄供並無爲
匪情事隨經詳請前撫臣王國棟將該犯等咨解
江西原籍收管去後嗣經雲南獲解江自得卽江

子德等四川獲解江子文等及雲南續解江東景
等福建獲解王霖等并據郴州拏解朱金有等隨
經撫臣趙弘恩咨提江西許英賢等到案發審總
計三十一名隨卽會同布政司逐一隔別細加研
訊據許英賢等堅供實係在外行醫恐無人見信
遂假天師名色賣藥冀圖獲利並無爲匪情事再
三研鞫堅不招承迨嚴加刑訊又極口稱冤及提
許英賢所供之江自得質訊亦供實係行醫賣藥
爲生詰其供吐因何彼此脗合據供雲南係執湖
南來咨推究故爾照伊混供並非實情再四究詰

矢口不移臣思大案全憑證據今審該犯等謀爲不軌之處毫無確實搜檢行李又無別物似難懸擬以大逆之罪可否將許英賢等遞回原籍著落該犯戶族嚴加收管不許出外滋事臣知識淺陋未敢擅便業經將該犯等所供與各省咨覆情由備敘轉解撫臣覆審外理合將臣等審過緣由先行具摺奏

聞謹

奏

閣爾審訊情節與朕原諭相符滇省所取之供昭合若

此安得不行根究旣無確據照所奏發落可也然不可因此案子虛遂爾於究察匪類等處懈忽從事勉爲之

硃批鄭任鑰奏摺

雍正四年五月初四日湖北巡撫臣鄭任鑰謹

奏爲奏

聞事臣以庸陋下材荷蒙

皇上殊恩畀以封疆重任一切事宜惟有謹遵

聖訓夙夜勤慎以期稍盡職守臣於雍正四年三月十

皇上二日入境卽見沿路二麥暢茂到任之後行查各

屬據報雨水霑足二麥豐收等語現在收穫統計

分數約有七八九十分不等米石時價武昌漢陽

二府每石八錢五分黃州安陸德安荊州襄陽鄖

陽六府每石自七錢二三分至八九錢一兩不等
小麥每石五錢五六分至六錢大麥每石二錢六
七分三錢不等收成豐稔編氓樂業此皆
皇上宵旰勤求保民若赤之所致也至各處早稻俱已
望時播種將畢雨水現在調勻所有二麥收成及米麥
時價謹具摺奏重

聞伏乞

睿鑒謹奏

奏

二麥豐收米價平減殊慰朕懷千里如面不可粉飾覽

督撫二臣之奏似出一手或偶爾相符亦未可定倘係
商酌約同之言則過費一番心思矣此後不必約同一
人獨奏可也

同日又

奏為奏

聞事竊查湖北地方時當初夏江漢水勢正在日加增
長臣恐有妨堤岸已嚴飭武昌守道趙弘恩上荆

南道高淳下荆南道趙之均等令於各所屬堤塍

在爾固然嚴飭恐屬員實力奉行若勸懲不公

舉劾不明此等皆屬故套紙上虛文耳何益之有必使
用心巡察督率印河各官加意防守務保無虞再
所屬城垣間有殘損之處臣已飭令地方官及時

殊批諭旨

鄭任鑰

地方各官振起向來疲玩積習為要

徐徐為之總期克臻實效

險可恃者臣已行令查勘缺口用磚石填砌添設

定界一事必使確乎不易為畛域清楚寧可稍遲畫

準母得草率從事否則不特為無益之更張且恐為口

後爭端之伏脈翻成笑之舉也

訖間有犬牙錯雜之地與濱江濱湖坍塌漲不時之

處尚未勘明界限俟勘明具報到日倘有接壤之

區其間有可以便民併隸者容臣查確具疏請

旨遵行更有私鑄一事現在嚴行禁止務期源絕流清

至於安民必先察吏臣於到任後已嚴飭各員勉

力振作以肅吏治如再有疲玩不職者臣即分別

殊奏糾參人地不相宜者臣即

題請調換以上俱臣分內應行事件不應上煩

聖聽現在次第料理恐屢

聖懷理合奏

聞謹

奏

私鑄既經嚴禁即應區畫永久可行之策而措施之庶

百姓輸心樂從也不然姦刁射利之徒煽惑愚民翻生

怨望於事何濟此正爾等封疆大吏之責當不避勞怨

熟籌謀始樂成之難易為國家盡力為之設有掣肘之

殊批諭旨

三 鄭任論

處不妨奏明毋得輒指稱特旨陡頒嚴令以致衆口譁而於國計民生仍然無益此等居心行事豈臣下歸功引咎之道歟諸如此類當事留心若使怨歸於上則恐罪歸於汝等也至於察吏泛泛申飭不如開心見誠懃懇教導使皆竭忠盡瘁以奉公敷治則百廢俱興矣惟宜端本不必逐末勉之勉之所奏各項次第布置力行不問方有成效李成龍似尚不知朕爾詳悉告之

雍正四年七月十三日湖北巡撫臣鄭任鑰謹

奏爲恭繳

硃批事五月初四日臣恭具

奏摺荷蒙

皇上賜覽批發到楚臣伏讀之下仰見我皇上睿慮周詳無微不至燭逐指示開導愚蒙使知遵守臣謹刻骨銘心凡屬地方一切事件總惟實力奉行任勞任怨至於緩急寬嚴臣當愈加小心斟酌務期得宜不敢草率以仰副聖主加惠元元砥礪臣正之至意又蒙皇上硃批李成龍似尚不知朕爾詳悉告之欽此臣遵赴督臣李成龍衙門詳悉敬告訖再臣前奏清界

硃批諭旨

四

鄭任鑰

一事內稱接壤之區有可以便民併隸等語蒙
硃批此句不解欽此臣實冒昧措辭疎晦茲謹詳悉奏
聖主明竊惟湖北地方有大牙相錯之地與濱江濱湖
坍漲不時之洲土兩境之民多致互爭又有日久
荒棄之土爲鄰境之民開墾者藉稱舊界希圖占
據示奪與訟臣愚以爲莫非王土何分彼此倘州縣接
壤土壤之區有此等漲淤洲土與墾熟荒地似應察民
皇土所便酌量地之相隔州縣城池遠近如去此縣甚
奏遠可以歸併彼縣管隸有益者立以新界具
奏題請

旨定案不特賦役畫一訟爭可息而百姓可免遠赴輸
皇土將並無推卸命盜差徭之弊矣是否有當伏乞
聖慈指示遵循所有欽奉

硃批理合恭繳謹

奏

定界以息訟端原屬善政但須畛域清析確當不可草
率從事前諭甚明今爾又復請朕指示朕思此事必得
賢能之員盡心竭力慎重周詳公平經理方足以服衆
心而止爭競於地方始爲有益旣云大牙相錯則分析
甚難況濱江濱湖坍漲不時今據目前淤土定以新界

硃批諭旨

五

鄭任鑰

水性無常將來如或此圻彼漲又當作何區畫之處不可不預爲籌及據爾奏稱定界之後賦役畫一爭訟可息言之似覺可聽恐行之殊不易耳當再四斟酌盡善無弊方可措置勿因本欲便民而反致擾民也

雍正四年九月十三日湖北巡撫臣鄭任鑰謹

奏爲恭繳

硃批叩謝

天恩事竊臣前奏定界一事蒙

皇上訓誨指示諄切周詳臣惟有敬謹遵循不敢草率自安滋擾務期實在清楚以慰

聖懷再前臣摺奏土司清界與代繳上荆南道高淳奏

摺冒昧煩瑣輕瀆

聖聰蒙

皇上天恩不卽貶黜容臣醒悟悔改臣接到大學士張

廷玉等書札詰責嚴切戒勉備至臣感激愧懼無

地自容自今以後惟有痛自刻責愈加恪謹竭誠

盡力以答

高厚而已臣謹望

闕叩頭恭謝

天恩謹

硃批諭旨

汝何嘗遵朕之訓誨指示以居心行事也莫負朕恩毋
忘養心殿面奏之言勉之慎之

天奏

朕自容自今以受非自朕責愈然

奏我至善書其言責過世如

皇上天恩不唱預無容引

聖諭

皇上聖旨

聖諭海前那爾奏生臣

殊批周瑛奏摺

天恩雍正元年六月初四日四川松潘總兵官臣周瑛

高奏謹請

皇奏為恭謝

天恩事竊臣等介武夫至愚至賤由千把歷陞化林副

將茲蒙

聖恩簡授松潘總兵官命帶兵駐防

命自天感激無地隨恭設香案望

闕叩頭謝容

恩臣因未及前往松潘赴任即由化林領兵出口是以

殊批諭旨

周瑛

恩未敢用本封林番技升哨由外林爵兵出口長以
奏謝隨咨明提臣岳鍾琪代謝

天恩今行次中渡准提臣咨覆雖未到任亦可繕摺謝
恩等因並咨送原松潘總兵官劉村前來隨於行營祇
領任事伏念臣本庸材過蒙

聖恩超擢駐防邊外。惟激勵將士嚴加約束。宣布福
皇主德。威務使殊方相率效順。仰報
高深於萬一。為此繕摺恭謝

天恩伏祈
聖主睿鑒謹

奏

覽奏知道了。今賜爾戴孔雀翎以壯觀瞻。聞爾為將中
僑傑其勉力自愛。駐防邊外乃心力俱勞之任。朕深體
恤斷不令爾等空受辛勤也。凡百處以安靜統綏周密
防禦為貴。不可報效心切。輕逞兵威而生事。圖功勉之
慎之。自又未冬。賊匪聚帶兩只計數乘野前封直州西

雍正元年十一月初三日四川松潘總兵官臣周
瑛謹

奏為恭報微臣領兵進藏日期事。雍正元年十月廿
奏廿三日准四川提臣岳鍾琪咨為內閣鑒

殊批諭旨

二

周瑛

奏明撥兵守藏事准川陝總督密劄內開羅卜藏丹
津橫行西海或趁此前往西藏擾亂占踞皆未可
定訂本提督移文該鎮帶兵前往守藏以安人心
等因理合備咨煩為查照即將所帶兵丁一千名
自又木多起程裹帶兩月行糧兼程前往直抵西
藏固守地方安定人心所有移咨該鎮帶兵進藏
緣由本提督已具密摺

奏明等因到臣准此臣查又木多地方係通西藏大
路周環皆有羅卜藏丹津屬番誠為爐藏要衝今
准提臣移咨令臣帶兵進藏則又木多地方亦不

可不嚴加防禦臣再四思維酌留遊擊一員高麟
端暨守備二員把總二員馬步兵丁四百名協同
原駐之遊擊侯裔兵丁二百名於又木多防護軍
糧遙為犄角之勢臣謹帶領遊擊郭壽域及千把
效力人員馬步兵丁六百名大礮六位裹帶行糧
奏折色於十一月初三日自又木多起程直抵西藏
皇上相機防守倘羅卜藏丹津果來侵犯臣仰仗

聖主天威調集藏地土兵協力堵禦似可無虞但從前
大兵駐藏沿途設有臺站馳遞軍機公文近已撤
回今臣領兵進藏應否添設臺站已咨商撫臣蔡

珽酌奪外先以臣所領之兵沿途酌留數站以速軍機所有微臣領兵進藏起程日期理合繕摺由聖主驛傳齎送伏乞 皇上睿鑒施行謹
奏
據奏接准提督密咨即行領兵進藏且料理亦合機宜殊為可嘉到藏之後爾須宣布國恩鎮撫番部慰安人心一切事務與學士鄂賴會商而行仍當激勵康濟隆布奈阿爾布巴等令各預備唐古忒兵馬倘羅卜藏丹津逃竄至藏併力擒剿不可使致免脫也

雍正元年十一月廿九日四川松潘總兵官臣周
奏為恭報微臣領兵抵藏日期事竊臣於雍正元年

聖主十月二十三日接准提督岳鍾琪咨文令臣帶領官兵進藏即於十一月初三日拜發

奏摺起行前進其各兵除裹帶兩月行糧外每名仍照副將李現光駐藏之例支領五箇月折色銀自行買備思西藏自大兵撤回之後並無管理糧務之員是以於又木多糧務處借支軍需銀八千兩交遊擊郭壽域隨營經理設有需用之處就便

動支統俟旋師之日臣造册咨送撫臣於各官兵
豈有是理此語可謂笑談矣
俸餉內扣除還項再臣因沿途山峻雪深計行四
孤軍直進履險如夷真奇功也
十五日於十二月十八日始抵西藏當有達賴喇

嘛差貝子噶隆等迎接據稱貝子康濟鼐尚在阿
里地方我等聞得西海羅卜藏丹津擅動兵馬占
踞察漢丹津地方就是他悖了朕命

聖主隆恩只怕天也不容我等與達賴喇嘛公同差人
去講說去了尚未會回來前蒙
欽差各位大人傳諭預備兵馬我等商議著公隆布奈
帶領土兵八百名往哈喇烏蘇防守要緊日子又

派下唐古忒兵馬一萬聽候調遣今又蒙發大兵
到來防守招地我等大小喇嘛百姓人等都是歡
喜感念

聖主隆恩始終為我黃教等情臣始抵西藏其一切防
禦機宜容臣偵探如有確實聲息即會同駐藏官
員及貝子噶隆等鼓勵兵番合力堵禦外所有微
臣領兵抵藏日期及安定人心緣由理合繕摺奏

聞謹

奏

覽奏朕深為嘉悅爾於嚴冬草枯之際帶領官兵遠赴

西藏勞瘁實甚朕殊憫恤之至且料理一應機宜亦皆得當事平之後朕自越格酬答爾之優等勤績茲因路遠不便頒賞多物特賜內製瑤瑯管翎子暨平安丸一匣此藥和平效驗兵弁內或偶遇寒暑侵犯按照方引服用無不愈也特諭

雍正二年六月二十九日四川松潘總兵官臣周

瑛謹

奏為恭謝

天恩事雍正二年六月二十日臣於西藏接閱邸抄仰

蒙

聖主洪恩賞垂榮拜他拉布勒哈番又平定西藏及蕩

平郭羅克案內議敘授臣左都督職銜臣聞公

命自天感激無地又於臣奏摺內荷蒙

皇上殊批嘉獎欽此帶翎子并平安丸藥

賜臣翎子并平安丸藥臣俱恭設香案望天百關謝

闕叩頭謝

恩訖伏念臣何人斯疊沐至木魯魯五丙

聖主殊恩有加無已惟有殫竭駑駘力圖報效

聖訓與學士鄂賴會商得哈喇烏蘇乃西海要隘不

可不慎加防範雖派唐古忒兵八百名令隆布奈

帶領在彼防守恐不足倚重又派參將郭壽域等
聖主康濟鼐宰桑阿旺云登帶伊部屬二百名遠行偵
恩黃探又因哈喇烏蘇起至木魯烏蘇止內有納克樹
關四餘樹等一帶住牧番夷多有羅卜藏丹津部屬設
顯被大兵殺敗逃匿前來在此嘯聚亦大有關係隨
皇上派委參將趙儒帶領弁兵同噶隆頗羅奈等帶領
命自唐古忒兵丁前往相機勦撫並確查羅卜藏丹津
蹤跡並等案面遣發對面報明撫遠大將軍公臣
聖主年羹堯在案今仰仗帝威各番又平安西藏又萬

聖主恩威遠播納克樹餘樹等處土目圖爾古特台吉
皇恩額爾得尼吉隆丹仲等咸皆傾心投誠共計一萬
三千六百餘戶臣等俱造冊呈送撫遠大將軍定

聖主奪彙利黃綠等縣善藏惡匪不合掌蘇魯斯北普
奏其參將郭壽域等於哈喇烏蘇亦招撫部番四百
皇卜餘戶並盤獲西海潛逃來藏之逆黨阿類正沙不
隆等二十餘名及羅卜藏丹津於去年差來西藏
之宰桑蝦諄他喇等九名又吹拉克諾木齊差來
之委正台等四名均遵大將軍令諭臣等會同悉
行正法示眾其中有牽連之唐古忒蠻人更敦爾

吉兔等數名亦分別輕重懲處尚有在西寧投誠之貝勒彭蘇克王渣爾等差來之徹慎朗章巴等九名俱係貝子康濟鼐等具保安插訖所得牛羊馬匹軍器等物臣等仰體再戰外去平茲來西藏皇仁均賞給唐古忒出力之人於是西藏人民咸皆感

奏頌蒙殊渥壽越於於合陳息藉衣以無番四百聖主天恩保護黃教撫善殲惡無不合掌稱慶從此普天之下永享昇平悉荷

皇恩之賜臣復飭令郭壽域同隆布奈等謹防隘口嚴望主加盤查遠行確探外所有臣同鄂賴在藏會商防範及撫綏事宜理合奏

聞伏乞 皇上睿鑒謹 奏 木 奏 覽奏朕甚嘉悅此番西海之事實出望外皆仰賴 聖祖在天之靈垂護默祐暨爾等封疆諸臣忠勤任事之

所致也每念及爾等勞績不知如何加恩方於朕心始慊耳 雍正三年七月二十六日四川松潘總兵官周

奏瑛謹 殊批諭旨 八 周瑛

奏爲恭報微臣奉文自藏撤兵起程日期事雍正三年五月十四日奉前督臣年羹堯令內開照得策妄旣經歸順西海亦已蕩平則西藏路遠未便久駐大兵應將松潘鎮帶領駐藏之兵盡行撤回但料理西藏事宜現在酌議請

旨俟後檄一到卽分頭料理明白將西藏之兵撤至義木多該鎮帶兵五百名會同雲南提督沿途查勘地界乍了巴塘應各留兵三百名委遊擊各一員管領駐劄直至裏塘其地界之歸川歸滇各從其相近者以爲準事畢之日該鎮卽帶此五百兵馬

暫駐裏塘彈壓其餘兵丁不在派留之數者先行撤回並移知駐藏員外郎常保一同撤回等因到臣遵奉在案今於雍正三年六月十九日承准署督臣岳鍾琪照會令臣會集貝勒康金鼐貝子阿爾布巴公布隆奈噶隆頗羅奈索諾木達爾扎等宣布諭旨各款欽此奉聖訓具奏同奉旨
皇仁明白開說令伊等務須和衷辦事於阿里克及噶爾藏胡秦木魯烏蘇康巴一帶隘口派撥土兵遠行哨探加謹防守仍令貝勒康金鼐與喇荅格杆時通信息和好如前各守封疆該鎮卽班師回川

並將各遵行緣由具文報查等因到臣臣同駐藏
員外郎唯常保會集貝勒康金鼐等同至達賴喇
嘛處宣布木魯烏蘇等處一帶歸口派兵土兵
聖主浩蕩仁恩將奉行事宜逐去明白開誠曉諭當據
康金鼐等俱各感戴遵奉臣隨取具伊等同心辦
事不致有誤地方夷字甘結咨呈署督臣岳鍾琪
備查外臣隨卽行調駐防裏塘遊擊鄧國棟迅赴
乍子接管留原駐之兵三百名併行原防巴塘遊
擊徐天鳳亦於巴塘原駐兵內留兵三百名仍駐
巴塘其餘兵丁不在派留之數者令副將郭壽域

等帶領回川交代各營操防臣將駐藏官兵帶領
於雍正三年七月二十九日同常保自西藏起程
俟抵又木多時臣卽會同雲南提臣郝玉麟將新
聖主舊投誠部番地界歸川歸滇之處公勘明白另具
聖旨奏請開案
聞臣卽帶兵五百名暫駐裏塘地方所有臣奉文撤兵
奏自西藏起程日期理合繕摺奏

聞伏乞

皇上睿鑒謹

奏

殊批諭旨

十

周瑛

覽所奏各項機宜俱經備悉領兵塞外兩易星霜卿過
勞矣朕實嘉之恤之莫能去懷

問為同日又

奏為微臣戀

主心切恭請

陛見事竊臣荷蒙

聖主隆恩補授松潘總兵官帶兵駐劄又木多續又領

兵進藏迄今三載有餘仰仗

聖主天威遠播唐古忒一帶地方安靜茲奉文撤兵則

臣瞻

天有日但犬馬依戀之忱積中已久臣思臣到又木多

時會同雲南提督郝玉麟查勘地界分隸新舊投

誠部番歸川歸滇均係

國家版圖臣等面加確議可以旬日而定即至裏塘

一帶番部又均係久經向化者臣到彼調集各處

關到番目宣布

聖主浩蕩仁恩獎賞撫綏令其安靜住牧臣在彼暫駐

則事無不就緒者惟查又木多乍了巴塘均駐有

聖恩官兵而裏塘與打箭爐相隔不遠即係化林協汛

聖恩地若蒙京

聖恩准臣赴京

陛見臣卽就近將化林中軍守備調赴裏塘將臣所領之兵令其暫行管領則聲氣相通足資防範臣減聖主從輕騎自打箭爐進口馳赴

闕庭仰覲

天顏跪請

聖訓庶臣犬馬戀

主之心得以少慰矣爲此繕摺

奏請伏乞

皇上睿鑒施行謹

奏

已用爾爲提督矣到任料理年餘候旨召見可也朕亟欲與爾相見但爾鞍馬過勞宜暫歇息何必匆遽其遵旨毋違

雍正三年十二月初二日四川提督臣周瑛謹

奏爲借支軍需銀兩事竊臣於雍正元年十一月內

自义木多移駐西藏會那借軍需銀八千兩帶往

以備緩急動用於臣恭報抵藏摺內聲明嗣於雍

正二年閏四月內遊擊高麟端等自义木多奉調

帶兵進藏又借解來藏軍需銀五千三百兩前後

共銀一萬三千二百兩因在藏日久各弁兵遇有
缺乏之時臣不得不量為接濟各弁兵共借過銀
六千四百四十五兩臣於雍正二年八月內奉文
同貝子康濟鼐率領漢番兵馬前赴克里野沙拉
達魯地方會剿逆夷臣於異域興師又不得不以
闊大示之凡一切漢番弁兵之賞犒及給康濟鼐
噶隆等之銀緞鞍馬並高麟端等領兵回又木多
與各兵雇烏拉馱載之腳價以致將此項銀兩用
無存剩今臣已回兵抵省則前項銀兩應行清楚
還庫但各弁兵駐防異域方回仰懇

聖恩准於雍正四年各弁兵應得俸餉內分四季除還
如此則

國帑不致虛懸而各弁兵亦感沐

皇仁於靡既矣至臣動用之項伏懇

聖恩准將臣提督任內之俸薪親丁銀兩酌留養贍之

外陸續填補還項為此繕摺奏

聞伏乞聖命臣等謹

皇上睿鑒施行謹李代謹

奏為奏明車騎

將周瑛所奏支用過銀兩免其賠補該部知道

同日又

奏爲奏明事竊臣在藏撤兵因各兵馱載馬匹俱已
皇上倒斃軍裝行李力難負運值達賴喇嘛感荷

聖主隆恩令貝子噶隆等給臣所領駐藏及沿途安站
之兵六百名每名給銀二兩共銀一千二百兩又
聖恩差喋吧一名七登及中科二名於沿途催調烏拉
皇上給兵馱載並備辦口糧各處番人歡欣樂助直至
因又木多實皆仰荷我

皇上恩德覃敷無遠不屆之所致也又臣於西藏起程
聖恩時撫臣王景灝捐銀五百兩備臣回兵沿途賞番

關卡之用及至義木多會同郝玉麟查勘地界凡新
舊投誠番目俱皆調集亦必須獎賞撫馭撫臣王

恩賜景灝又囑令管糧知州李喬林預備緞綾布疋茶
聖主葉銀牌等項計銀一千兩之數交臣應用臣沿途
天恩宣布五三平十二日臣案人齎奉

聖朝德威加賞撫馭而各番日均皆踴躍頂感

皇仁垂逐一撫綏悉令其回巢安靜住牧外所有達賴
臣旨喇嘛給兵銀兩馱載並撫臣捐備賞需情由臣謹

聞謹
具摺奏

硃批諭旨

西

周瑛

奏

此所奏知道了進藏借支過軍需銀兩概免扣除還項
另旨從部頒發銀兩想辦並無引引論賞需部由引董
皇正三年十一月廿九日四川提督臣周瑛謹
聖奏為恭謝賞無題而各番日以昔無戰貢為
天恩事雍正三年十二月十九日臣家人齎捧

聖主硃批奏摺併蒙

恩賜元狐煖帽法瑯管孔雀翎子到川臣隨郊迎至署

恭設香案望

闕九叩跪領訖伏念臣邊未武夫至愚極陋荷蒙

溫旨之頻頒蒙

珍物之疊賜臣何人斯仰邀

聖恩榮寵至於此極惟有竭盡駑駘勉愚忱以期上

報

皇恩於萬一耳為此繕摺恭謝

天恩伏乞

皇上睿鑒謹

奏

覽奏謝知道了條奏藏中事宜識見甚屬錯謬另有旨
矣爾第遵旨而行作速回任今調路振揚來京陛見署

硃批諭旨

五

周瑛

理印務之人爾同岳鍾琪一面會商妥攝一面奏聞

雍正四年三月十六日四川提督臣周瑛謹

奏爲奏明酌減公費名糧事竊臣查川省各營向來
皇上有公費名糧以充製造旗幟鑼鍋帳房並春秋
大典立操火藥鉛彈及各鎮協營領餉脚價暨遣差出
皇恩口盤費獎賞番日花紅等項之需舊留馬步糧一
千零一十分緣連年出師不時製造軍裝解運前
往費用浩繁以致不足充用經川陝督臣岳鍾琪
於前任川提時代爲借墊尚未清結督臣現在行
提該管經識查核清理但川省各處兵馬漸次撤

回軍務將已告竣公費名糧亟宜核減臣隨將所
存馬糧盡行挑選步兵頂補至於戰糧亦量爲酌
減計全川營伍馬步名糧三萬六百有零每糧百
分內酌留三分二分不等戰守各半實存戰糧四
萬二千二百二十八分守糧四百四十分共存戰守名糧八
萬六千八百六十八分較前所存之數核減一百四十二分
行令各營作速募補以實操防而所留之戰守糧
八萬六千八百六十八分約算每年應有餉米銀一萬五千
一百有零以爲各鎮協營一切公務之需但川省
幅員遼濶近邊營汛甚多尚需犒賞番日不時遣

差出口及領餉脚價等費亦必於此項公費內動
用未免有有餘不足之處臣仰懇
聖恩准臣移豐補歉以公濟公俟後若漸有贏餘臣再
行核減募補倘有不肖員弁假公濟私濫行侵用
者臣卽據實糾參斷不敢私徇以負我四十二
皇上特簡之至意也所有微臣核減存留公費名糧數

目理合繕摺奏

聞謹
奏
所奏雖屬極是極好但歷觀提鎮到任等皆具此

固有如言實行者而言行不符者甚多所以朕披覽之
下頗覺煩厭只在行不在言爾果潔己奉公正身率屬
朕自有見聞無須此摺也勉力爲之名糧一事天下皆
然係萬不可少者如實能以公濟公無絲毫假借兵弁
焉有不服朝廷自然體諒酌量存留以克公務之用何
妨乎所奏知道了未

雍正四年七月十九日四川提督臣周瑛謹

奏爲微臣查邊事竣戀

主情懇恭請

陛見事竊臣奉

殊批諭旨

旨會同副都統臣鄂齊等前往义木多一帶指授賞給
主計達賴喇嘛地方疆界臣等欽遵同往由打箭爐裏
去塘巴塘等處確查交錯情形畫清內外疆界至巴
塘連界之邦木地方因邦木係巴塘往宗俄一帶
必由之道在奉

旨賞賜達賴喇嘛地方數內臣等確商再四應將邦木
收入巴塘所屬界內隨公同勘定邦木與南登兩
界之中有山名寧靜山擬以山頂立定界石情由
臣等於义木多聯銜奏

聞在案今查賞給達賴喇嘛地方自南登起至碩般多
止共計大小地方二十三處營官喋吧頭人共三
十名總計管下番衆一萬一千八百零二戶達賴
喇嘛深感

皇恩特遣貝子阿爾布巴遠迎至义木多臣等將賞賜
地方開具夷檔付貝子阿爾布巴帶回同

欽差臣鄂齊等赴藏降
旨臣卽由疊爾革霍耳一帶宣布
皇仁曉諭各番逐一獎賞清查戶口回署所有收入內
地地方自裏塘巴塘起至疊爾革上納奪林蔥霍
耳束署止總計大小地方三十八處土官三十名

土目十八名戶口三萬三千二百六十七戶皆係
接壤相連應收入內地管轄臣除現在分析彙冊
皇旨咨送督臣查核具
題請授大小土司職銜頒給印信號紙鈐束部番外
冊恭呈

御覽但臣等已經出口數月恐厯

宸衷今臣先已回署謹將勘定內外戶口數目情由畧

陳具

奏竊臣更有請者臣以邊鄙庸愚屢荷

天恩超擢授以提督重任時抱蚊負之懼日深戀
主之忱伏乞

聖恩准臣懇請俟鄂齊等回川之日臣隨一同赴

闕跪聆

聖訓俾地方營務有所遵循而臣之犬馬微忱亦得少
遂矣爲此繕摺奏

聞伏乞

皇上睿鑒施行謹

奏

所奏知道了據爾屢請陞見俟鄂齊等自西藏回來將

邊外一切事宜措置妥帖後有旨命爾來京見朕也

奉

皇上聖鑒

聞

欽此

聖鑒

聞

欽此

聞

欽此

硃批施廷專奏摺

雍正六年八月二十八日廣東瓊州總兵官臣施

廷專謹

奏為備陳地方情形敬抒管見事竊照瓊州一府遠

在天末外環滄海中處黎岐實為廣東要緊之區

竊去年十月間於瓊州副將任內護理鎮務聞

有棍徒王君亮帶夥伴數人皆係外籍潛藏黎內

登即嚴飭各營勒限查拏送交撫黎同知審明因

其未經為非首犯王君亮已在監病故將餘犯分

別柳責押解原籍安插又如營兵吳成因查拏王

硃批諭旨

施廷專

此事朕已備悉聞之君亮餘夥需索黎人牛隻客人布疋隨經臣查訪

的確追贓給主盡法究處以儆刁頑總為安輯地

方撫綏黎岐起見至於整飭營伍添造甲械修理

好竭力勉為之母令人譏朕乏識人之明也墩臺操練兵丁皆係臣職分所當為或呈咨督撫

提臣或會商道府俱經次第料理惟是臣竊有愚

陋管見應請

旨敕議者敬臚列奏

聞

兼瓊屬黎汎宜移駐捕巡以專責成也查先年黎

和井岐縱肆前鎮臣吳啓爵於勦撫之後開通十字路

穿跨黎境設立營汎扼其要口但汎弁只應責以

巡防稽查不宜干預外事乃歷年客商入黎貿易

例由文員給照汎弁驗放而此內黎人原非州縣

管轄每因田畜同類相爭時向汎弁投告為之分

剖彼即聽服否則或相讎殺以臣愚見應將該汎

係何州縣地方即於該州縣之捕巡移駐一員與

該汎千把協同稽查出入姦棍有黎人投告情事

公同為之理斷分解如果黎岐悅服地方安堵或

許於大計之年准其卓異倘有疎縱兵役騷擾需

言之

督撫臣酌議奏聞

索捕巡有犯千把揭報千把有犯捕巡揭報從重

參革治罪則責成專而稽察密矣

一戰船修造宜酌定屆期以備巡哨也竊照水師戰船凡遇大小修拆造原有一定年限月日難以贏縮但一營額設之船若皆同時屆修屆拆將何船隻配駕出洋巡哨如瓊州戰船八隻俱於雍正七年五月屆期大修倘一時赴廠興工則六月初一日卽值下班巡哨無船可以駕配以臣愚見當於此八船內挑出尚堪駕駛四船暫時配兵出哨將四船照期興修此挑出之四船寬至雍正八年正月興修只此次畧遲數月以後凡遇修造之期

甚是

可無同時赴廠乏船配駕出哨之慮矣

一瓊府同知不宜署事他郡以重職守也竊該府

同知有海防撫黎之責非如他郡丞可比臣自任

此條

瓊州副將至今見兩任同知非因公赴省則署事

他郡本任庶務勢難遠顧臣請嗣後該府同知毋

令遠署他郡只於瓊郡之州縣間遇員缺或委署

攝庶不致遠離職任而海黎事務得以就近兼理

矣

一拔補把總宜分別水陸以收實用也竊騎射爲

殊批諭旨

三

施廷專

要臣於瓊州水師副將任內每遇把總員缺挑選送補多有實在諳練水務之人格於不能騎射難以送考未免屈抑遺棄臣請水師兵丁拔補把總只考驗熟練水務步箭合式人材壯健或於籐牌大刀兼精一藝卽許拔補把總拔補之後既有自備馬匹可以練習如騎射生疎水務雖好者不得拔補千總則水師弁員得收實用而騎射亦不致偏廢矣

以上四條皆膚淺鄙見倘蒙

俯賜採擇伏乞

皇上睿鑒敕議施行謹

覽

奏爲恭懇

聖恩事竊查康熙六十年福建克復臺灣案內效力人

員蒙

皇上加恩議敘復經部行閩省考定等次定議分別錄用臣謹據實陳明冒昧

殊批諭旨

四

施廷專

張邦佐林山周鴻圖等五名係臣父原任福建水師提督臣施世驃歷任長隨因其諳曉水務才堪驅使帶往軍前隨師進剿甚爲效力迨臣父克復全臺在軍中病故之後伊等隨衆得邀議敘茲福建督臣高其倬已將此案功加人員定議分別等

題請分發江浙閩廣四省以千把總補用查廣東係

聖主天恩准將吳祐等五員發在臣鎮標效力得以隨時差遣俟遇伊等應得之缺聽督提二臣於通省

水師千把總員缺考驗補用可否仰邀
聖恩臣謹據實陳明伏乞
皇上睿鑒施行謹

奏

日前朕所降諭旨甚明類斯題帶人員於汝等有損無益試思得五人之力失闖標之心孰多孰少既留標下而不信任奏請何爲若信任之通屬弁兵必致私生擬議乃一定之理如云才堪驅使則何省不用好員何營不可效力耶需員差遣只就本標本營訓導鼓舞作養人材而選用之爲上策斯係朕數年來留心體驗所得

殊批諭旨

五

施廷專

之情形汝熟籌審計自知況此五人汝止知其漢仗膽量而已至於品行操守焉能保其兼優倘發至汝標有欺隱朦混暗爲不肖處豈不貽累汝之聲名乎朕意此舉無益抑且不宜卽爲此五人計亦不如發交別省督提令其隨地效力更爲妥協也

雍正六年九月二十二日廣東瓊州總兵官臣施

奏廷專謹

皇奏爲奏

聞事雍正六年九月初五日臣據崖州營遊擊范緯呈報八月十三日有暹羅國洋船收到該營榆林港

查據該船夷商具單報稱暹羅國船主陳宇財副柯晃卽癸卯年押紅舨船往廣東查探貢探二船不回暹羅情由者宇等奉國王令著押紅舨船運米到廈門發賣帶有壓船蘇木鉛錫海參烏木等貨通船舵水七十九名番廝八名防船銅銃三門鐵銃二門火藥二十觔腰刀三把因七月二十七日在洋犯風發漏收到榆林港所報是實并據該夷商稟稱船隻風帆破爛求住榆林港修整完好俟明年三月間南風盛發復往廈門通船舵水每人各帶有米數石丟水者無算現今近岸俱無衣

食欲將各名下米石變賣為伙食之用等情。因念時已秋深，該船斷難駕駛赴閩，且洋船重大，非明年夏至南風成信，難以開行。人口眾多，時日遲久，既據稱各無衣食，欲就地變賣米石，當即照會瓊州府酌量許其變賣些少，以資伙食，并行該營慎為稽察，毋使透漏。業經呈咨督撫提臣在案。緣遠人到境，理宜加惠，言之督撫，宜實力撫恤，爾亦盡心。係外國洋船飄風到境，理合繕摺具奏，伏乞 聖鑒。照看

奏抑臣更有請者：崖州一營原係陸路，然遠處極邊外，控大洋，現在建設哨船三隻，以佐礮臺聲援。務令常川駕出附近海面，哨探巡查。該營遊擊有調遣督率之責，必得諳曉之人。方克有濟，查新任遊擊范緯辦事甚屬平常，至於水師事務，更一毫不諳。臣仰懇 聖恩，請將廣東諳曉水師之陸路遊擊對調一員，庶要

皇土地收得人之效矣。合併具摺請 旨，伏乞 聖鑒。 旨：伏乞 聖鑒。 奏：其與上列外無不詳。 奏：其與上列外無不詳。

皇上睿鑒施行。謹 奏。 奏：其與上列外無不詳。 奏：其與上列外無不詳。

此奏甚屬可嘉，候另有諭旨。 奏：其與上列外無不詳。 奏：其與上列外無不詳。

奏同日又密奏時

奏爲抒誠密奏仰祈

睿鑒事竊查瓊屬黎岐附山者原非州縣所管是謂生
黎其與土民接壤而居者則一體納糧是謂熟黎
此等黎糧雖有定額而此輩愚黎蒙昧無知每受
官包攬多徵之弊甚非我

皇上一視同仁之至意茲本年九月初三日有定安縣
聖恩黎人王那小等七名先係海南衛所隸糧黎後因
裁衛歸併瓊山縣者入城赴縣遞告數日未爲審
問臣緣係黎人進城著令諳曉黎語之人向問詳
悉知爲控告糧頭王鄧昌將伊等額糧查十餘梔

加收至一百一十餘梔伊等難堪等語臣慮該令
聖鑒楊仙椿初膺民社未悉黎情傳請至署面爲開陳
天恩必當秉公立行剖斷俾悅服速回安業以廣化導
臣奏乃該令回縣並不嚴究王鄧昌加收情由越數日
只將黎人逐回徒以隨後示禁託之空言如此施
爲則該令之政蹟亦可槩見矣臣專司武職於黎
糧一項雖難詳其曲折但包攬多徵之弊實可瞭
然所當直抒其愚奏懇

皇上敕下督撫臣立法清查務使愚黎得照數輸納
吏胥只按額徵收除包攬之積習絕多徵之陋弊

庶蠹爾窮黎咸沐剷蠶之勳皆臻多福之酬
皇仁於無既矣爲此謹表謝忱伏乞
奏懇天恩當直符其愚表懸

此奏請節有旨命傅泰嚴察矣

雍正七年三月初三日廣東瓊州總兵官臣施廷

專謹奏人恐回封以詞對示禁玷之空言假執前

奏爲恭謝天恩並不蠲突王極口成外辭由然理日

天恩據實陳奏仰祈陪憐外別數回交業以廣升舉

聖鑒事雍正七年正月二十五日臣齋摺家人回瓊捧

到外至一百一十封外以善舉則善端日漸結介

皇上硃批奏摺兼蒙 閣部一員官商二員皆引職書引

御賜哈密瓜一圓臣郊迎至署恭設香案望

闕叩頭謝

恩祇領訖伏念臣智識短淺謬以閩省克復臺灣案內

功加吳祐等五員係臣父舊用之人冒昧

奏請隨標效力荷蒙 聖鑒以蘇府以廣東大

皇上不加譴責

訓誨周詳臣不勝銘肝鏤膈感激涕零自念恭承 硃筆

聖訓即使從茲微開智慮竭蹶駑駘深恐難酬

高厚於萬一合將臣感激愚誠繕

硃批諭旨

九

施廷專

奏叩謝一合
天恩抑臣更有據實

奏明者瓊州水師協營為臣所轄屬而該協副將李
振麟係先年跟隨臣祖施琅克復澎臺功加為臣
父施世驃長隨多年後因議敘功績補用廣東大
鵬營叅將於預行保舉案內兵部人員想

恩題補今職又該協左營守備翁繼勳係臣妻舅右營
守備王喜係臣表兄俱以千總預行保舉先後引
見註冊兵部掣籤具

題補授計該協之副將一員守備二員皆臣親舊臣

皇一固倍加訓飭共圖報效不敢絲毫徇情私庇致負
皇恩惟是屬在統轄顧念引嫌臣心甚所不安理當據
實

奏明伏乞
皇上睿鑒施行謹

奏同日又

果能秉公持平不被人所談論彼此同心協力互相勗
勉豈特親舊無妨使父子同官乃極好之事今汝如欲
避嫌原可言之督臣將伊等就近調用別營但汝祖父
以來三為水師統帥必求總非親舊無涉之人方為屬

殊批諭旨

十

施廷專

員亦恐難得朕從前有公中私中公之諭最爲詳切
遵奉朕訓而行有何不安之處惟是汝等水師閩籍將
弁操守二字俱不堪問汝當奮發猛烈心志以廉隅自
勵不可蹈此卑污之習也

奏同日又

皇奏爲奏

聞事竊照暹羅夷船在洋被風飄泊崖州榆林港緣由

經臣繕摺奏

聞荷蒙 皇 旨 諭 旨 欽 遵 訖 伏 查 臣 當 日 據 崖 州 營 呈

皇上睿鑒批示奉到欽遵訖伏查臣當日據崖州營呈

報隨即行回查明船主財副暨通船舵水人等是
否俱係彼國夷人其中有無中國人氏飭查去後
未據報覆因恐稽延日久敬即繕

奏續據遊擊范緯覆稱詢據船主陳宇等單開船水

手七十九名俱係中國人惟小厮八名係是夷人并

呈據陳宇等單報九月二十五日颶風大作椗索

目各三門俱斷將船打上淺水觸破船漏水滿米石貨

上備物俱皆壞爛鉛錫烏木壓在船底難起等情臣當

即飭行該遊擊會同文員加意撫恤安頓在案詎

意該船自飄泊至擱破之後通船舵水人等沾染

瘴氣不服水土陸續病故十名其餘各懷疑懼四散而去臣適接閱邸抄內兵部爲欽奉

上諭事九月初一日奉

旨查康熙五十六年禁止南洋貿易案內經九卿議定嗣後如有出洋之人留在外國者該督撫行文外國將留下之人令其解回卽行正法後經施世驃題請蒙

聖祖仁皇帝特恩令康熙五十六年以前出洋之人俱載回原籍隨於五十九年內福建浙江等省奏報出洋回籍之人將及二千名嗣後則再無奏報回籍之事

是五十六年以前出洋之人其願回籍者皆已陸續返棹而彼地存留不歸者皆甘心異域及五十六年以後偷往之人矣目今洋禁新開禁約不可不嚴以免內地民人飄流之漸其從前逗留外洋及違禁偷往之人不准回籍餘依議欽此恭繹

諭旨嚴切明晰伏思該船舵水旣係中國民人則其中或從前逗留彼地及近年方往其國俱難懸定雖伊等自洋開行在未奉

旨之先似可仰邀免究但事關洋禁應仍咨督撫二臣聽其裁奪乃該地文武因未奉通行一任散去臣

於接報之頃卽飛飭沿海協營嚴行盤阻并加意
撫恤聽候督撫裁奪外至陳宇押來船隻米石俱
傳喚陳宇面詢據稱所押係該國王船隻米石俱
已壞爛現存些少并撈起貨物變價無多不足修
船之用擬令財副柯晃赴省城向
貢使取銀修船駕駛回國詎隨面商瓊州府給照差
役伴送柯晃前去矣除俟該船修整完固駕駛開
行回國日另摺具
奏外緣係夷船飄泊到境攔破舵水人等散去情由
合先繕摺奏

聞伏乞

皇上睿鑒施行謹

奏

此必係撫恤不周以致散去外國遠夷聞之成何體統
應令將散去情由一一據實詳明該督撫著嚴行參奏
似此違旨奉行不力之事萬不可捏飾疎縱以圖苟且
完結特諭

瓊州鎮總兵施廷專年少輕浮舉動乖張如縱
容百總文秀搶奪番商月旺等船貨銀物毫無
約束又縱容崖州把總陳奇才在瓊州城內姦

淫民婦東排孃舊州孃又縱容鎮標兵丁洪吉
王隆等乘蒙有章合婚之夕將有章夫婦綑縛
搶奪槩不斥革查究各有詳案可據伏思瓊郡
孤懸海外歷來民弱兵強全賴鎮臣加意防範
不偏不黨庶使兵知法律民樂昇平今施廷專
不能撫恤窮黎一味養驕悍卒在地方絕無裨
益在營伍日長澆凌

今有人如是叅奏汝之欵跡且不特此也更於他處訪
聞汝囿於紈袴之習一味任性使氣袒護不法兵弁逞
兇犯科將吏治民生竟視爲膜外毫無顧惜似此負恩

溺職曾未捫心一自問乎汝年甫離童稚蒙朕不次超
擢委任封疆置於大臣之列者蓋念汝世受國恩必能
繼汝先人之志斷不辜負主恩之故也豈料忍心害理
至於斯極在他人不過止於不忠汝則更加一不孝之
罪矣朕因汝年幼無知此次姑予寬恕向後若不痛自
改悔黽勉策勵仍然自以爲是飾非怙惡則汝非施琅
之後裔也揆之天理人情便加以重譴朕心亦無歉處
慎之慎之大凡不可以告

天之事莫爲不可以對朕之念莫存公私須要辨明是非
尤當認確能如此庶幾不失居官爲人之根本否則朕

一番望汝之心深屬可惜汝其謹誌毋忽

雍正七年八月十二日廣東瓊州總兵官臣施廷

專謹

奏為恭謝

天恩事雍正七年七月十六日臣家人自京齎捧

御賜平安丸五百丸到瓊臣卽望

闕叩頭謝

恩祇受訖竊臣待罪海疆寸長未效蒙

皇慈優渥賞賚頻加瓊州處在極南風土迥異內地我

皇上賜以上方良藥臣推廣

隆恩分給所屬水陸將士祛病回春取效如神海外兵

民共邀平安之福皆

皇仁所被也臣受此

異數當益凜冰兢竭忠盡力并勵所屬將領恪供職守

皇上以冀仰酬

高厚於萬一而已為此具摺奏謝

天恩伏乞

睿鑒謹

奏同日又

總兵誤用匪人貽害非淺豈此數丸藥力遂能令兵民

殊批諭旨

共邀平安之福耶

奏同日又

睿奏爲欽遵

聖訓并繳

硃批事竊臣前奏暹羅夷船擱破水手散去一摺蒙

皇上硃批嚴諭查叅仰見

皇上軫念遠人之至意臣卽嚴檄崖州營遊擊將不能

皇日撫恤致令散去情由從實揭報現據該營詳覆前

來臣經呈咨督撫二臣聽候核叅外至於文職應

習恩聽督撫嚴察

題叅其該夷船據報已經修整完好雇添水手於此

七月十六日開往廣省欲俟伊國

貢使一同回暹合將遵奉

諭旨緣由具摺

奏覆併繳

硃批謹

奏

不安協處豈止此一事而已也

同日又

聞奏爲奏

硃批諭旨

聞事雍正七年正月初七日據瓊州水師協副將呈報
香山澳夷船戶月旺等駕船一隻欲往安南貿易
於雍正六年十二月二十九日遭風飄至會同縣
潭門港打破臣經通報督撫提臣并行該副將作
速安頓撫恤去後嗣於二月十一日據該副將呈
報兵丁吳超凡民人楊鍾秀等各赴營縣控訴搶
奪番貨已將該汛百總兵丁送縣審訊臣正俟該
縣如何審覆間隨於十五日據夷人月旺赴臣具
呈伊船撞損時衆人上岸搭伴何庇官自己到百
總處講話旺在海邊見有四隻小船從大船邊撐

出內三隻往百總那邊去還有一隻有戴紅纓帽
的人同何庇官在上旺船有緞八十疋銀器五百
兩庇官只交緞八疋銀器五件餘都不見今懇乞
究追小船搬去之貨等因臣查夷人詞內雖未指
出營兵而按其情節何庇官明有串通百總情弊
卽移會道府行究去後而該副將亦先遣人往百
總文秀家中查看有無寄匿番貨經遍搜無有文
聞文秀因抱憤抹頸賴在旁兵丁救起臣隨行令醫痊
去將該百總及吳超凡等十一人革除名糧解交有
司嚴行研訊緣此案當時虛實未定是以臣前次

摺內未敢冒昧具
奏近接府覆已經訊明追贓定擬通詳合將情節奏
聞又本年八月初三日據水師協副將報有暹羅船主
李萬受等奉伊國王命駕船載米三千石并壓艙
蘇木等貨前往廣省貿易因南風之信已過難以
駕駛到省於閏七月三十日就文昌縣七星洋面
灣泊現撥弁兵前往防護臣思該洋面非泊船之
所卽與道府面商如夷人欲開行往省則聽其便
如願就瓊地貿易則須移泊內港以免風濤衝擊
之患茲夷人現在雇倩小船剝起貨物俟船載稍

輕方得駕入港內臣諭令營弁小心照看毋許姦
棍誑騙騷擾以仰體我

皇上柔遠至意再者瓊地各州縣風雨調順惟瓊山縣
近城地方七月間雨水稍遲閏七月初甘霖卽沛
臣遣家人各處查勘田禾問之農民俱云無害今
晚稻將已成熟米價甚平黎岐安堵海疆寧謐合
將情形具摺奏

聞謹

奏

今已調爾離瓊該鎮地方一切總與爾無涉矣

今日國爾編製結離賦式一即縣與兩維

奏

聞

朕辭訊具辭奏

郵前律弓知燻米爵甚平察如矣朕前應寧結合

五數宋人谷盡查燻田禾開之費只財云無害今

承地賦式小民區雨水似甚聞亦民既甘霖頃亦

皇上柔嘉至恩再行變則各州縣風雨時順耕農山澤

豐稔誠饒慶以四野

豐式身諸人執內可備令營我小心



